

ԵՐԵՎԱՆԻ ՄԱՍԻՆ

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

ԸՆԴՈՒՆԵԼՈՒԹՅՈՒՆՆԵՐ ՎԵՇԱՐԱՆՈՒՄ

Ամենայն Հայոց Կաթողիկոսն ընդունեց

18 մարտի

**ՀՀ-ում Արաբական Միացյալ Էմիրությունների
ղեկավարին**



Ն. Ս. Օ. Տ. Տ. Գարեգին Բ Ճայրագույն Պատրիարք եւ Ամենայն Հայոց Կաթողիկոսն ընդունեց Հայաստանի Հանրապետությունում Արաբական Միացյալ Էմիրությունների արտակարգ եւ լիազոր դեսպան Մուհամմադ Ալ Ջաաբին:

Շնորհավորելով դեսպանին նշանակման կապակցությամբ՝ Նորին Սրբությունը նրան մաղթեց արդյունավետ գործունեություն՝ ի նպաստ հայ-արաբական գործակցության առավել սերտացման:

Զրույցի ընթացքում Վեհափառ Հայրապետն ընդգծեց, որ հայ-արաբական հարաբերությունները դարերի պատմություն ունեն՝ երախտագիտությամբ արձանագրելով նաեւ այն փաստը, որ Հայոց ցեղասպանությունից հետո բազմաթիվ հայորդիներ ապաստան են գտել արաբական երկրներում: Նորին Սրբությունը գոհունակու-

թյամբ անդրադարձան կատարեց երկու երկրների միջեւ այսօր առկա համագործակցությանը:

Դեսպան Մուհամմադ Ալ Ջաաբին, ուրախություն հայտնելով հանդիպման առիթով, խոսեց իր ծրագրերի մասին: Վերջինս Ամենայն Հայոց Կաթողիկոսին տեղեկացրեց նաեւ, որ Արաբական Միացյալ Էմիրությունները 2019 թ. երկրում հռչակել են որպես հանդուրժողականության տարի:

Այս առիթով Վեհափառ Հայրապետը եւ դեսպանն անդրադարձան պետությունների եւ ժողովուրդների միջեւ հանդուրժողականության ոգու հաստատման կարեւորությանը՝ իբրեւ խաղաղ համակեցության երաշխիքի, ինչպես նաեւ կրոնների դերակատարությանը՝ որպես մարդկային կյանքում սիրո, փոխադարձ հարգանքի եւ համերաշխության առատացման գործոնի: Կարեւորվեցին այս ուղղությամբ իրականացվող ծրագրերը:

Հարավային Ռուսաստանի հայոց թեմի առաջնորդին եւ ներկայացուցիչներին

ՄենԱՅՆ Հայոց Կաթողիկոսն ընդունեց Հարավային Ռուսաստանի հայոց թեմի առաջնորդ Մովսես արք. Մովսիսյանի գլխավորած պատվիրակությանը, որի կազմում էին թեմի հոգեւոր սպասավորներ, թեմական խորհրդի անդամներ, բարերարներ եւ տարբեր համայնքների ներկայացուցիչներ:

Հանդիպման ընթացքում Մովսես արքայանքին հանձնվեց արքայության պատվի՝ հայրապետական սրբատառ կոնդակը: Դեռեւս փետրվարի 26-ին՝ Ս. Դեոնոյանց տոնին, Վեհափառ Հայրապետի կողմից Մովսես արքայանքին շնորհվել էր արքայության պատիվ՝ ի գնահատություն Հայոց եկեղեցու առնչակցություն տարիների վաստակի եւ նվիրյալ ծառայության:

Հանդիպումն սկսվեց Տերունական աղոթքով, ապա Հարավային Ռուսաստանի հայոց թեմի պատվիրակությանը ողջունեց Մայր Աթոռի դիվանատան ներկայացուցիչները: Ավետիսյանը:

Այնուհետեւ Մայր Աթոռի լուսարարապետ Հովնան եպս. Հակոբյանն ընթերցեց Նորին Սրբություն Գարեգին Երկրորդ Ամենայն Հայոց Կաթողիկոսի սրբատառ կոնդակը, որում մասնավորապես ասված է.

«Սուրբ Էջմիածնի հոգեւոր ծեմարանում եւ Ջազդուսի հոգեւոր ակադեմիայում ավարտելով

Ձեր հոգեւոր ուսումնառության ու պատրաստության շրջանը՝ Դուք Տիրոջ կանչով նվիրվեցիք Ավետարանի լույսը մեր ժողովրդի կյանքում տարածելու սրբազան գործին՝ որպես կուսակրոն հոգեւորական Հայաստանյայց Առաքելական մեր Սուրբ եկեղեցու:

Երջանկահիշատակ Վազգեն Ա Հայրապետի օրհնությամբ Դուք հովվական ծառայության կոչվեցիք Մոսկվայի Սբ. Հարություն եկեղեցում, ապա օրինակելի նվիրումով վարեցիք Սուրբ Հռիփսիմե վանքի վանահոր պաշտոնը՝ Ձեր պարտականությանը մեջ միշտ դրսևորելով ծառայական մշտաթրուն ոգի եւ անմվագ նախանձախնդրություն՝ հանդէպ մեր եկեղեցին եւ քրիստոսասէր մեր ժողովուրդը:

Ձեր ծառայագործությունն առավելաբար արդյունավոր եղավ Հարավային Ռուսաստանի հայոց թեմում, ուր, որպես առաջնորդ, պաշտոնավարում եք շուրջ քսան տարի: Մենք ուրախ ենք մեծապես, որ Դուք կարողացել եք շահել հավատավոր հայորդիների սերն ու գնահատանքը եւ միավորել նրանց ջանքերը՝ համուն տիրախմամ թեմում հոգեւոր վերազարթոնքի: Այս տարիների ընթացքում Ձեր բազմաթիվ ծառայությունները, իրագործվել բազում եկեղեցաշեն ու ազգամկեր ծրագրեր՝ շինություն եւ պայծառություն հավելելով քրիստոսասիրեն մեր Սուրբ եկեղեցուն:



պատասխանատվությունը, եւ շատանում են պարտականությունները, որոնք պիտի կատարի սիրով եւ հանձնառությամբ:

Հանդիպումն ամփոփվեց Ամենայն Հայոց Կաթողիկոսի օրհնության խոսքով: Ողջունելով թեմի ներկայացուցչական պատվիրակությանը՝ Նորին Սրբությունը գնահատանքով անդրադարձավ

աջակցում են Հարավային Ռուսաստանում շեն ու պայծառ հայոց կյանքի կերտման սրբազան գործին:

Վեհափառ Հայրապետը մաղթեց, որ Տերն իր շնորհները հեղի հայորդիների կյանքից ներս եւ առատացնի հայրենաշեն ու եկեղեցանկեր բարի գործերը:

19 մարտի

Տավուշի նորանշանակ մարզպետին

ՄենԱՅՆ Հայոց Կաթողիկոսն ընդունեց Տավուշի նորանշանակ մարզպետ տիար Հայկ Չոբանյանին՝ ուղեկցությամբ Տավուշի թեմի առաջնորդ Բագրատ Եպս. Գալստյանին:

Հանդիպման Ամենայն Հայոց Կաթողիկոսը, շնորհավորելով մարզպետին՝ նշանակման առիթով, մաղթեց նրան հաջողություններ իր առաքելության մեջ: Տեղեկանալով մարզի զարգացման եւ առաջընթացի հետ կապված մարզպետի մտածումների եւ ծրագրերի մասին՝ Վեհափառ Հայրապետը վստահություն հայտնեց, որ վեր-

ջինս կկարողանա դրանք կյանքի կոչել եւ արդարացնել մարզի բնակչության սպասումները: Նորին Սրբությունը նաեւ խոսեց ինչպիսիք ծրագրերում Տավուշի թեմի ներգրավվածության մասին:

Իր հերթին մարզպետը շնորհակալություն հայտնեց Ամենայն Հայոց Կաթողիկոսին՝ հանդիպման եւ հայրապետական օրհնության համար: Տիար Հայկ Չոբանյանը մարզի կյանքի աշխուժացման եւ զարգացման գործում կարեւոր նկատեց սերտ համագործակցությունը Տավուշի թեմի հետ:

Շարունակությունը՝ էջ 2

Ամենայն Հայոց Կաթողիկոսն ընդունեց Տավուշի նորանշանակ մարզպետին



Սկզբը՝ էջ 1

Ձրույցի ընթացքում անդրադարձ եղավ Տավուշի մարզի Բերդավան գյուղից գերեվարված եւ Ադրբեջանում բանտարկված Կարեն Ղազարյանին հայրենիք վերադարձնելու խնդրին: Վեհափառ Հայրապետի համոզմամբ՝ այդ ջանքերը

ներկայումս պետք է բազմապատկվեն՝ ներգրավելով նաեւ միջազգային կառույցներին: Վերջում Նորին Սրբությունը մարզպետին մաղթեց Աստծու օգնականությունն իր ծառայության մեջ՝ համուն տավուշցիների արժանապատիվ կյանքի կերտման:

20 մարտի

Վերապատրաստման դասընթացների մասնակիցներին



ՄենԱՅՆ Հայոց Կաթողիկոսը «Գարեգին Ա» կրթական կենտրոնում հանդիպում ունեցավ եկեղեցականների վերապատրաստման հերթական դասընթացների քսան մասնակիցների հետ, որոնք ժամանել էին Հայաստանի, Արցախի եւ Սփյուռքի տարբեր թեմերից: Դասընթացների պատասխանատու եզմիկ արք. Պետրոսյանը Նորին Սրբությանը տեղեկացրեց, որ այս հավաքը 11-րդն է, եւ մինչ օրս վերապատրաստման դասընթացներին մասնակցել է 198 եկեղեցական:

Հոգեւոր հովիվների հետ զրույցում Ամենայն Հայոց Կաթողիկոսն ընդգծեց Մայր Աթոռում կազմակերպվող այս դասընթացների կարեւորությունը՝ իրենց ծառայության առավել արդյունավետ իրագործման համար՝ այս համախմբումները լավագույն առիթը նկատելով Աստծու եւ Ս. Էջմիածնի հետ իրենց ուխտի վերանորոգման, հավատքի եւ հոգեւոր կյանքի մեջ զորացման:

Վեհափառ Հայրապետն արձանագրեց, որ այսօր Հայոց եկեղեցու առջեւ հայրենիքում եւ Սփյուռքում ծառայած եւ բազում մարտահրավերներ, որոնց հաղթահարման համար եկեղեցականը պետք է լինի ըստ ամենայնի պատրաստված ու զինված համապատասխան հովվական գիտելիքներով, պետք է հավատարմորեն առաջնորդվի Աստծու պատվիրաններով:

Նորին Սրբությունը քահանա հայրերին հորդորեց բոլորանվեր իրականացնել իրենց հոգեփրկչական եւ ազգային ինքնության պահպանության սրբազան առաքելությունն աշխարհասփյուռ հայ համայնքներում:

Իր հայրական օրհնությունը բերելով հոգեւորականներին՝ Հայոց Հովվապետը նրանց մաղթեց Աստծու օգնականությունն ու Սուրբ Հոգու առաջնորդությունը՝ իրենց պատասխանատու ծառայության մեջ:

24 մարտի

Հայկական բարեգործական ընդհանուր միության նախագահին

ՄենԱՅՆ Հայոց Կաթողիկոսն ընդունեց Հայկական բարեգործական ընդհանուր միության նախագահ տիար Պերճ Սեդրակյանին՝ ՀՀԸՄ-ի Կենտրոնական վարչական ժողովի անդամ, ՀՀԸՄ-ի Հայաստանի նախագահ տիար Վազգեն Յակոբյանի ուղեկցությամբ:

Ձրույցի ընթացքում Ամենայն Հայոց Կաթողիկոսը եւ ՀՀԸՄ-ի նախագահն անդրադարձան Մայր Աթոռի եւ ՀՀԸՄ-ի միջեւ ձեւավորված բազմամյա համագործակցությանը, որն ընդգրկում է եկեղեցաշինական, կրթական եւ սոցիալական զանազան ծրագրեր: Մասնավորապես կարեւորվեցին ՀՀԸՄ-ի աջակցությամբ տարիներ շա-

տիար Պերճ Սեդրակյանին տեղեկացրեց մարտի 12-ից 14-ը Սուրբ Էջմիածնում տեղի ունեցած Գերագույն հոգեւոր խորհրդի ժողովի արդյունքների մասին: Մասնավոր անդրադարձ կատարվեց 2020 թվականի նոյեմբերին ազգային-եկեղեցական ժողով գումարելու որոշմանը եւ ժողովի կարեւոր առաքելությանը՝ Հայոց եկեղեցու հետագա գործունեության ուղեւշման գործում: Տիար Պերճ Սեդրակյանը վստահեցրեց, որ ՀՀԸՄ-ն սփյուռքատարած իր աշխարհական պատվիրակների միջոցով ամենայն աջակցություն է ցուցաբերելու եկեղեցու կազմակերպական հզորացմանն ու ազգային-կրոնական ու սոցիալական առաքելու-



րունակ համատեղ իրականացվող հայորդյաց տների ու բարեգործական ճաշարանների գործունեությունն ու դրանց ընդլայնման հնարավորությունները: Ամենայն Հայոց Կաթողիկոսը գնահատանքով արձանագրեց ՀՀԸՄ-ի շարունակական գորակցությունը Հայոց եկեղեցուն՝ հայ ժողովրդի հոգեւոր կյանքի զորացմանն ու Հայոց եկեղեցու պատմական առաքելությանն ի նպաստ իրականացվող նախաձեռնություններում:

Գարեգին Բ Հայրապետը եւ տիար Պերճ Սեդրակյանը խոսեցին նաեւ Հայոց եկեղեցու եւ միության կողմից Սփյուռքի համայնքներում իրականացվող ազգագույն ծրագրերի մասին, որոնք միտված են Սփյուռքում համայնքային կյանքի աշխուժացմանը եւ ազգային ինքնության պահպանությանն ու զարգացմանը: Ազգանպաստ այս առաքելության արդյունավետ իրագործման մեջ ընդգծվեց ազգային, հոգեւոր պատասխանատու հաստատությունների ջանքերի մեկտեղմանն ու նոր ձեւավորվող համայնքների ազգային-հոգեւոր կարիքների բավարարման անհրաժեշտությունը: Տիար Սեդրակյանն իր գոհունակությունը հայտնեց, որ Մայր Աթոռի բազմաթիվ երիտասարդ հոգեւորականներ այսօր իրենց արդյունավետ ծառայությամբ մեծապես նպաստում են Սփյուռքի թեմերի ազգային-եկեղեցական կյանքի աշխուժացմանը՝ մանավանդ երիտասարդության շրջանում:

Հանդիպմանն Ամենայն Հայոց Կաթողիկոսը

թյանը նպաստող կարեւոր նշանակություն ունեցող ժողովի հաջողությանը:

ՀՀԸՄ-ի նախագահը Վեհափառ Հայրապետին հետաքրքրվեց Մայր տաճարի ամրակայման եւ վերանորոգության ընթացքի մասին: Նորին Սրբությունը ընդհանուր գծերով ներկայացրեց կատարված աշխատանքները՝ տեղեկացնելով, որ տաճարի ներքին վերակազմման աշխատանքները, եկեղեցասեր բարերարների աջակցությամբ, ծրագրվում է ավարտել 2020 թվականին:

Խոսելով հայրենիքի առջեւ ծառայած ներքին եւ արտաքին մարտահրավերների մասին՝ Ամենայն Հայոց Կաթողիկոսը եւ ՀՀԸՄ-ի նախագահը դրանց հաղթահարման գործում կարեւորեցին Սփյուռքի հավատավոր մեր ժողովրդի մասնակցությունը: Այս իմաստով շեշտվեց Հայաստան-Սփյուռք կապերի ամրապնդման եւ համահայկական ներուժի՝ հայրենիքի պապահովությանն ու բարօրությանը ծառայեցնելու կարեւորությունը:

Վերջում Ամենայն Հայոց Հայրապետն ու տիար Պերճ Սեդրակյանը վերահաստատեցին իրենց համաձայնությունը՝ Հայոց եկեղեցու եւ ՀՀԸՄ-ի համատեղ ծրագրերով եւ գործակցությամբ շարունակելու ջանքեր ներդնել՝ համուն Հայաստանում եւ Սփյուռքում ազգային միասնության ամրապնդման, հայապահպանության եւ ազգային-հոգեւոր արժեհամակարգի ու ավանդույթների անաղարտ պահպանման:

Ամենայն Հայոց Կաթողիկոսի այցը Գյումրի



ուղեկցությամբ, մուտք գործեց եկեղեցի, ուր կատարվեց աղոթք, որից հետո Նորին Սրբությունն օրհնեց ներկա ժողովրդին:

Այնուհետեւ Հիրակի թեմի առաջնորդարանում Ամենայն Հայոց Կաթողիկոսը հանդիպում ունեցավ Հիրակի մարզպետ Տիգրան Պետրոսյանի եւ Գյումրիի քաղաքապետ Սամվել Բալասանյանի հետ: Նորին Սրբությունը հետաքրքրվեց Գյումրիում եւ Հիրակի մարզում իրականացվող զարգացման տարբեր ծրագրերով, առկա հիմնախնդիրներով եւ մարզի բնակչության դիմագրաված մարտահրավերներով: Հանդիպման ընթացքում խոսվեց նաեւ ի խնդիր ժողովրդի բարոր կյանքի՝ քաղաքային ու մարզային իշխանությունների եւ թեմի միջեւ առկա համագործակցության, ինչպես նաեւ փոխգործակցության հետագա ծրագրերի մասին:

Վեհափառ Հայրապետն այցելեց նաեւ «Թռչունյան տուն» դպրոց եւ երեխաների աջակցության կենտրոն, ծանոթացավ հաստատությունում խնամվող երեխաների հետ: Նորին Սրբությունը եղավ նաեւ Մայր Աթոռի եւ ՀՀԸՄ-ի հովանու ներքո գործող Գյումրու հայորդյաց տանը, որտեղ սնունդ Աստուծոյ եղիգարյանի ուղեկցությամբ հանդիպեց տարբեր խմբակներում ուսանող պատանիների եւ մանուկների հետ՝ նրանց բաշխելով իր հայրական օրհնությունն ու գնահատանքը:



1988 թ. երկրաշարժի 30-րդ տարելիցի առիթով, երկրաշարժից տուժած եւ առ այսօր տնակներում բնակվող ընտանիքներին բնակարաններով ապահովելու նպատակով, Մայր Աթոռի նախաձեռնած սոցիալական նոր ծրագրի շրջանակներում, Մայր Աթոռ Ս. Էջմիածինը՝ իր աշխարհասփյուռ թեմերով, ղեկավարեց եւ հունվար ամիսներին տալիս ընտանիքների ընծայեց բնակարաններ. յոթը՝ Գյումրի քաղաքում, երեքը՝ Սպիտակում:

Շարունակությունը՝ էջ 3

ՄԱՐՏԻ 16-ին Ն. Ս. Օ. Ս. Տ. Գարեգին Երկրորդ Շայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնի միաբանների ուղեկցությամբ այցելեց Գյումրի:

Յոթվերջ Ս. Աստվածածին առաջնորդարանիստ եկեղեցու առջեւ Նորին Սրբությանը դիմավորեցին Հիրակի թեմի առաջնորդ Միքայել արք. Աջապահյանը եւ Գյումրիի քաղաքապետ Սամվել Բալասանյանը: Զանգերի դղրանքների ներքո Վեհափառ Հայրապետը շքախմբով, եկեղեցու սպասավորների եւ հավատացելոց

Խուսկ, աղոթք եւ օրհնությունն անցեցյալ Պատրիարքի լույս հիշատակին

ՄԱՐՏԻ 17-ին Մայր Աթոռ Սուրբ Էջմիածնի պատվիրակությունը մասնակցեց Կոստանդնուպոլսի Հայոց Պատրիարք երջանկահիշատակ Տ. Մեսրոպ արք. Մութաֆյանի վերջին օծման եւ հուղարկավորության արարողություններին:

Պատվիրակության կազմում էին Արեւմտյան Եվրոպայի հայրապետական պատվիրակ խաժակ արք. Պարսամյանը, Գու-

գարաց թեմի առաջնորդ Սեպուհ արք. Չուլջյանը եւ Մայր Աթոռի դիվանապետ Արշակ եպս խաչատրյանը:

Արարողության ընթացքում խաժակ արքեպիսկոպոսն ընթերցեց Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի վշտակցության խոսքը:

Ն. Ս. Օ. Տ. Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ՝ ԿՈՍՏԱՆԴՆՈՒՊՈԼՍԻ ՀԱՅՈՑ ՀԱՆԳՈՒՅՅԱԼ ՊԱՏՐԻԱՐԷ Տ. ՄԵՍՐՈՊ ԱՐՔԵՊԻՍԿՈՊՈՍ ՄՈՒԹԱՖՅԱՆԻ ՎԵՐՋԻՆ ՕԾՄԱՆ ԵՎ ՀՈՒՂԱՐԿՎՈՐՈՒԹՅԱՆ ԱՌԻԹՈՎ

Երուսաղեմի Հայոց Պատրիարք Ամենապատիվ Տ. Նուրհան արքեպիսկոպոս Մանուկյան, Կոստանդնուպոլսի Հայոց Պատրիարքության Պատրիարքական ընդհանուր փոխանորդ Գերաշնորհ Տ. Արամ արքեպիսկոպոս Աթեշյան, Գերաշնորհ, Հոգեշնորհ, Արժանապատիվ հայրեր,

Կոստանդնուպոլսի Հայոց Պատրիարքության Մեր սիրելի զավակներ,

Հարգարժան ներկաներ,

Այսօր առ Բարձրյալը՝ հավիտենական կյանքի երանավետ հանգրվան ենք ուղեկցում ի Տեր մեջեցյալ Ամենապատիվ Պատրիարք Տ. Մեսրոպ արքեպիսկոպոս Մութաֆյանին, որ տարածած ավարտեց իր երկրավոր ընթացքը՝ բարի հիշատակ թողնելով հավատավոր հայորդյաց սրտերում:

«Հի եթե տնկակից եղեաք մնամութեան մահու մորա. այլ եւ յարութեան մորա լինիցիմք» (Հռ. 2 5), – ասում է առաքյալը Քրիստոսի հավատարիմ հետեւորդների կյանքի ընթացքի ու վախճանի մասին: Հարության ու հավիտենական կյանքի տեղումնական խոստման մխիթարական այս գիտակցությամբ է, որ լուսահոգի Պատրիարքին ճանապարհում ենք դեպի երկնից լուսեղեն օթեանը:

Մեսրոպ Պատրիարքը ավանդաշատ Պոլսոս հայ համայնքի զավակն էր՝ ծնվելով ու հասակ առնելով պոլսահայ ընտանիքում, դաստիարակվելով եկեղեցամկրտումի ու ազգամկրտումի ոգով: Մեր Սուրբ Եկեղեցուն եւ ժողովրդին իր կյանքն ընծայելու տեսլականով՝ նա մուտք գործեց եկեղեցական ասպարեզ եւ ծառայամկրտումի ուխտ կնքեց՝ իր հոգու սերն ու նվիրումը բերելով հավատացյալ հայորդյաց: Լուսահոգի Մեսրոպ Արքազանի տարիների վաստակյալ առաքելությունը մեծապես արժեւորվեց Կոստանդնուպոլսի Հայոց Պատրիարքության հոգեւոր խմբի մերժ գտնվող հայորդիների կողմից, որոնք, որպես արտահայտություն հարգանքի ու գնահատանքի, նրան ընտրեցին Հայոց Պատրիարք: Լուսահոգի Պատրիարքը կարեւոր ծառայություն իրականացրեց, սպասավորեց երբեմն դժվարին պայմաններում՝ ջանք ու եռանդ ներդնելով, որպեսզի ծաղկուն մնա Հայոց Պատրիարքությունը, շեն լինեն

Եկեղեցիները, մորոգ առաջընթաց ապրի Պատրիարքության հայորդյաց ազգային-եկեղեցական կյանքը:

«Ո՛հ է մարդ իշխան ոգւոյ, եւ ո՛հ գոյ իշխանութիւն մորա յատու մահուան» (ժող. Ը 8), – ասում է Սուրբ Գիրքը: Դժվարին հիվանդությունը, ցավը, երկար տարիներ մահճին զամեց Պատրիարք Արքազանին, եւ նա չկարողացավ օգտակար ծառայությունը շարունակել հավատացյալ իր հոտի համար: Երկրավոր իր ընթացքն ավարտելով՝ նա փոխադրվում է հավերժություն, որտեղ Տերը, Իր անգին խոստման համաձայն, հավիտենական կյանքի երանությունն է պարգեւում Իր հավատարիմ սպասավորներին:

Վստահ ենք, որ Պատրիարքության Մեր սիրեցյալ ժողովրդի զավակները, միասնաբար հաղթահարելով կորստյան ցավը, ամուր պիտի պահեն իրենց միաբանությունը, սերը, համերաշխությունը եւ ձեռնամուխ լինեն մեր Սուրբ Եկեղեցու նվիրապետական Աթոռի՝ Կոստանդնուպոլսի Հայոց Պատրիարքության պայծառության գործին, որպեսզի այն շարունակի իր ծառայությունը հավատավոր Մեր ժողովրդին:

Հայրապետական Մեր օրհնությունն ու գնահատանքն ենք բերում Կոստանդնուպոլսի Հայոց Պատրիարքության ծառայասեր հոգեւոր դասին եւ բարեպաշտ Մեր զավակներին, որ միշտ սիրով ու հավատարմությամբ փարված են մեր Սուրբ Եկեղեցուն, Մայր Աթոռ Սուրբ Էջմիածնին եւ նախանձախնդիր են, որ Եկեղեցին շարունակի իր առաքելությունն արդյունավորել Մեր ժողովրդի համազգային կյանքի անդաստանում:

Թող երկնից լուսեղեն հանգրվաններում խաղաղությամբ հանգչի հոգեւոր Մեսրոպ Պատրիարքը, եւ Ամենագութն Աստված Սուրբ Հոգու մխիթարության բյուր շնորհներով սփռվի բոլոր վշտացյալ սրտերը:

Խուսկ, աղոթք եւ օրհնությունն անցեցյալ Պատրիարքի լույս հիշատակին:

Վշտակիր սրտով եւ օրհնությամբ՝

ԳԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ամենայն Հայոց Կաթողիկոսի այցը Գյումրի



Սկիզբը՝ էջ 2

Ծրագրին իրենց աջակցությունն են բերել ԱՄՆ արեւելյան եւ արեւմտյան, Գերմանիայի եւ Եգիպտոսի, Ռուսաստանի եւ Նոր Նախիջեւանի, Հարավային Ռուսաստանի, Մեն Բրիտանիայի եւ Իռլանդիայի հայոց թեմերը եւ Հնդկաստանի հայոց հոգեւոր հովվությունը:

Գյումրի այցելության ընթացքում Ամենայն Հայոց Կաթողիկոսն անակնկալ այցելեց բնակարան ստացած Մանուկյան ընտանիքին: Հնորիավորելով Մանուկյաններին բնակարանամուտի առիթով՝ Գարեգին Բ Կաթողիկոսն իր օրհնություններն ու բարեմաղթանքները բերեց ընտանիքի անդամներին եւ նրանց հանձնեց բնակարանի վկայականը:

Ընտանիքի կրտսեր անդամներին ընծայելով մանուկների Աստվածաշունչ եւ այլ նվերներ՝ Վեհափառ Հայրապետն ընտանիքին նվիրեց մանրանկար-սրբապատկեր, ապա Եկեղեցականաց հետ աղոթք բարձրացրեց առ Աստված՝ Մանուկյան ընտանիքի բարոր եւ խաղաղ կյանքի համար:

Օրվա ավարտին թեմակալ առաջնորդի եւ եկեղեցականների ուղեկցությամբ Ամենայն Հայոց Կաթողիկոսն այցելեց Գյումրիի Ս. Հակոբ եկեղեցի: Գոհաբանական աղոթքից հետո Նորին Սրբությունն իր օրհնությունը բերեց ներկա բարեպաշտ հայորդիներին:

Գերագույն հոգեւոր խորհրդի ժողով Մայր Աթոռ Ս. Էջմիածնում

ՄԱՐՏԻ 12-ից 14-ը Մայր Աթոռ Սուրբ Էջմիածնում, նախագահությամբ Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, տեղի ունեցավ Գերագույն հոգեւոր խորհրդի ընդլայնված ժողովը:

Ժողովի նիստերն ատենապետեցին Արեւմտյան Եվրոպայի հայրապետական պատվիրակ խաժակ արք. Պարսամյանը, ԱՄՆ հայոց արեւմտյան թեմի առաջնորդ Հովնաթ արք. Տերտերյանը եւ Արցախի թեմի առաջնորդ Պարգեւ արք. Մարտիրոսյանը:

Եռօրյա ժողովի օրակարգում ընդգրկված էին Եկեղեցու վարչական, կազմակերպարարական, կանոնական, կարգապահական, սոցիալական եւ Եկեղեցու առաքելության արդյունավորման առնչված այլ հարցեր:

Ժողովի սկզբում անդրադարձ կատարվեց մարտի 8-ին վախճանված Կոստանդնուպոլսի

Ամենայն Հայոց Կաթողիկոսի գլխավորությամբ, որոշեց Ազգային-Եկեղեցական ժողով գումարել 2020 թ. մայիսի 1–8-ը:

Մայր տաճարի մորթության պատճառով նպատակահարմար նկատվեց Ամենայն Հայոց Կաթողիկոսի գահակալության 20-ամյակին նվիրված հանդիսությունները եւս անցկացնել առաջիկա տարի:

Ժողովի ընթացքում անդրադարձ կատարվեց Եկեղեցի-պետություն հարաբերություններին, տեղեկացվեց ՀՀ վարչապետի իրամանով ստեղծված աշխատանքային խմբի մասին, որի նպատակն է առավել զորացնել Եկեղեցի-պետություն գործակցությունը՝ ի նպաստ երկրի հզորացման: Գոհունակությամբ լսելով զեկույցը՝ ԳՀԽ-ի անդամները կարեւորեցին պետության հետ գործակցությունը եւ հաջողություններ մաղթեցին նորակազմ աշխատանքային խմբի աշխատանքներին:



Հայոց Պատրիարք երջանկահիշատակ Մեսրոպ արք. Մութաֆյանի վերջին օծման եւ հուղարկավորության արարողություններին: Տեղեկացվեց, որ առաջիկա օրերին Մայր Աթոռ Սուրբ Էջմիածնի պատվիրակությունը կնեկնի Ստամբուլ՝ մասնակցելու Մեսրոպ Պատրիարքի հուղարկավորությանը եւ սզացյալ ժողովրդին փոխանցելու Ամենայն Հայոց Կաթողիկոսի վշտակցության խոսքը: Պատվիրակության կազմում ընդգրկված էին խաժակ արք. Պարսամյանը, Գուգարաց թեմի առաջնորդ Սեպուհ արք. Չուլջյանը եւ Մայր Աթոռի դիվանապետ Արշակ եպս խաչատրյանը:

Ազգային-Եկեղեցական ժողովի (ԱԵԺ) գումարման կազմակերպչական աշխատանքների ընթացքի մասին զեկույցով հանդես եկավ ԱԵԺ-ի կազմակերպիչ հանձնախմբի ատենապետ Արշակ եպս խաչատրյանը՝ հանգամանորեն ներկայացնելով ԱԵԺ-ի կազմակերպիչ հանձնախմբի, ինչպես նաեւ օրակարգի հարցերի նախապատրաստման նպատակով ստեղծված յոթ հանձնախմբերի աշխատանքների ընթացքը:

ԳՀԽ-ի անդամները լսեցին նաեւ Մայր տաճարի վերանորոգության ընթացքի մասին զեկույցը: Տաճարի վերանորոգության նախագծի ճարտարապետ Ամիրան Բաղիշյանը եւ Մայր Աթոռի գլխավոր ճարտարապետ Արա Վարդանյանն անհրաժեշտ լուսաբանություններ տվեցին տաճարի ամրակայման եւ վերանորոգության, նաեւ ընթացող աշխատանքներում ծագող մոր խնդիրների մասին: Տեղեկացվեց, որ տաճարի ներքին աշխատանքները ծրագրվում է ավարտել 2020 թվականին:

Նկատի ունենալով Ազգային-Եկեղեցական ժողովի նախապատրաստական աշխատանքների ծավալը եւ ժամանակատարությունը, ինչպես նաեւ Մայր տաճարի վերանորոգման ընթացքը՝ Գերագույն հոգեւոր խորհուրդը՝

Գերագույն հոգեւոր խորհուրդը զեկույց լսեց Հայոց Եկեղեցու գործառնությունների բարելավման ծրագրի ընթացքի վերաբերյալ, որը համակարգվում է «Դավիդյան» հիմնադրամի նախագահ եւ բարեգործ Ասո Դավիդյանի կողմից: Տեղեկություններ տրվեցին կատարված աշխատանքի եւ առաջիկա անելիքների մասին: Վերջում Վեհափառ Հայրապետը Գերագույն հոգեւոր խորհրդի անունից գնահատանք հայտնեց համակարգող խմբին՝ ջանադիր ծառայության համար:

Կոմիտաս Վարդապետի եւ Հովհաննես Թումանյանի ծննդյան 150-ամյակներին նվիրված միջոցառումների ծրագիր-առաջարկ ներկայացրեց հոբելյաններին նվիրված միջոցառումների կազմակերպման հանձնախմբի ատենապետ Անուշավան եպս ժամկոչյանը: Քննարկումների արդյունքում Գերագույն հոգեւոր խորհուրդը որոշեց տարվա կտրվածքով Մայր Աթոռ Սուրբ Էջմիածնում եւ թեմերում կազմակերպել հիշատակի արարողություններ եւ հոգեւոր-մշակութային, գիտակրթական, գեղարվեստական, ճանաչողական միջոցառումներ:

2019 թվականն Ամենայն Հայոց Կաթողիկոսի կողմից հռչակվել է որպես Ընտանիքի տարի: Այս շրջանակներում ժողովականներն անդրադարձ կատարեցին հայ ընտանիքի առջեւ ծառացած արդի խնդիրների հաղթահարման գործում Հայոց Եկեղեցու հովվական առաքելությանը հայրենիքում եւ սփյուռքում՝ որդեգրելով Մայր Աթոռի եւ թեմերի կողմից իրականացվելիք հոգեւոր, սոցիալական, գիտա-ճանաչողական, հովվական, քարոզչական մի շարք ծրագրեր:

Գերագույն հոգեւոր խորհրդի անդամներին ներկայացվեց նաեւ Մայր Աթոռ Սուրբ Էջմիածնի 2018 թվականի գործունեության տեղեկագիրը:

Շարունակությունը՝ էջ 4

Նոր նշանակումներ

Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի հայրապետական տնօրինությամբ կատարվել են Մայր Աթոռ Սուրբ Էջմիածնի միաբանների մոր նշանակումներ:

Մաղաքիա վրդ. Ամիրյանը ծառայու-

թյան է կոչվել Վիրահայոց թեմում՝ թեմակալ առաջնորդի իշխանության ներքո:

Աղան արք. Երեմյայանն իր ծառայությունը կբերի Ռուսաստանի եւ Նոր Նախիջեւանի հայոց թեմում՝ թեմակալ առաջնորդի իշխանության ներքո:

Գերագույն հոգեւոր խորհրդի ժողով Մայր Աթոռ Ս. Էջմիածնում

Սկիզբը՝ էջ 3
Ժողովականները քննության առանձնապես Մայր Աթոռի գործունեության ֆինանսական հաշվետվությունը եւ վերստուգիչ հանձնախմբի տարեկան զեկույցը:
Գերագույն հոգեւոր խորհրդի ժողովն ավարտվեց Ամենայն Հայոց Կաթողիկոսի օրինության խոսքով եւ Պահպանիչ աղոթքով:

Մայր Աթոռ Սուրբ Էջմիածնի 2018 թվականի գործունեության ամփոփ տեղեկագիրը


2018 թ. Մայր Աթոռ Սուրբ Էջմիածնի եկեղեցականության ընդհանուր թիվը 756 էր, որոնցից 52-ը՝ արքեպիսկոպոս եւ եպիսկոպոս, 52-ը՝ ծայրագույն վարդապետ եւ վարդապետ, 28-ը՝ արքեպիսկոպոս, 499-ը՝ քահանա, 131-ը՝ սարկավագ: Անցյալ տարի ձեռնադրվել են 19 ամուսնացյալ քահանա եւ 35 սարկավագ, կատարվել է նաեւ մասնավոր վարդապետության աստիճանների 4 տվչություն: Արտերկրում ուսանող եկեղեցականների թիվը համալրվել է երեքով:
Մայր Աթոռի բաժիններում եւ ենթաբաժիններում աշխատել է 1142 աշխարհական եւ հոգեւորական անձ:

Նորին Սրբության օրհնությամբ 2018 թ. փետրվար ամսից Մայր Աթոռ Սուրբ Էջմիածնի «Գարեգին Ա» կրթական կենտրոնում մեկնարկել է «Քահանայից վերապատրաստման» երեքշաբաթյա ծրագիրը, որին տարվա ընթացքում մասնակցել է 161 եկեղեցական՝ Հայաստանի, Արցախի եւ Սփյուռքի թեմերից:

Հոգեւոր-մշակութային ոլորտում կազմակերպվել են մի շարք գիտաժողովներ եւ ցուցահանդեսներ:

Հոգեւոր-կրթական հաստատություններում՝ Գեորգյան հոգեւոր ճեմարանում, Սեւանի Վազգենյան հոգեւոր դպրանոցում, Համբարձումյան Թրքաճյան ընծայարանում, Քահանայից պատրաստման եռամյա լսարանում ուսանել է 160 սան:

Մայր Աթոռի քրիստոնեական դաստիարակության կենտրոնն անցյալ տարվա ընթացքում շարունակել է իր գործունեությունը մա-



խադարձակ, միջնակարգ, կիրակնօրյա կրթության ոլորտներում: Մայր Աթոռի հովանու ներքո գործող «Էռնեստեան համակրթական դպրոցի» 35 դասարաններում ուսանում է 519 աշակերտ, «Էռնեստեան մանկապարտեզ» հաճախում է 42 երեխա: Կալկաթայի հայոց մարդասիրական ճեմարանում եւ «Դավթյան» օրիորդաց վարժարանում (Հնդկաստան) ուսանում է 76 աշակերտ:

2018 թ. Հայ եկեղեցու համաշխարհային երիտասարդաց միավորման կողմից կազմակերպվել են մի շարք միջոցառումներ, որոնց շարքում՝ «Դեպի Հայրենիք, դեպի Սուրբ Էջմիածին» կարգախոսի ներքո համահայկական երիտասարդական հավաքը, որին մասնակցել է 20 երկիր ներկայացնող շուրջ 600 եկեղեցասեր երիտասարդ:

Անցյալ տարի Մայր Աթոռի հովանու ներքո գործող 7 հայորդյաց տներ (Էջմիածին, Աշտարակ, Գյումրի, Վանաձոր, Երեւանում՝ Նորք, Մալաթիա եւ Արաբկիր) եւ Մանրակարգչություն արվեստի կենտրոն հաճախել է շուրջ 4000 երեխա, կազմակերպվել են բազմաթիվ միջոցառումներ, ցուցահանդեսներ,

համույթների մեծահամերգներ, հանդիսություններ, մրցույթներ եւ այլ ծրագրեր:

ՀՀ զինված ուժերի հոգեւոր առաջնորդությունում իր ծառայությունն է բերել 61 հոգեւորական, ՀՀ քրեակատարողական 12 հիմնարկներում՝ 10:

Հավատացյալների հոգեւոր կարիքները բավարարելու նպատակով Մայր Աթոռի հրատարակչական բաժնի կողմից լույս է ընծայվել 36 ամսու գիրք: Առավել լայն լսարանի համար քարոզչություն է իրականացվել «Էջմիածին» ամսագրի, «Քրիստոնյա Հայաստան» թերթի, ինչպես նաեւ համացանցի, հեռուստառադիո հաղորդաշարերի եւ «Շողակաթ» ու «Լույս» հեռուստաընկերությունների միջոցով:

2018-ին Մայր Աթոռ Սուրբ Էջմիածինը շարունակել է իր առաքելությունը սոցիալական ծառայությունների ոլորտում՝ մասնավոր ուշադրություն դարձնելով հասարակության կարիքավոր խմբերին՝ փախստականներին, սիրիահայերին, ազատամարտիկներին, զոհված զինծառայողների ընտանիքներին, հաշմանդամներին, ծնողազուրկ երեխաներին, տարեցներին, ուսանողներին եւ հիվանդներին:

Շուրջ 650 ընտանիքի ցուցաբերվել է դրամական եւ նյութական օգնություն՝ 60.496.384 ՀՀ դրամի չափով, անխափան աշխատել են Մայր Աթոռ Սուրբ Էջմիածնի եւ ՀԲԸՄ-ի հովանավորության ներքո գործող 5 բարեգործական ճաշարանները, որտեղ սնունդ է ստանում շուրջ 900 անապահով քաղաքացի:

2018 թ. Մայր Աթոռ Սուրբ Էջմիածնի սոցիալական ծառայության գրասենյակի ջանքերով բացվեց «Քյուրքչյան» երեխաների աջակցության կենտրոնը, որտեղ մշտական խնամք է ստանում 12 մանուկ:

Այսու, Մայր Աթոռ Սուրբ Էջմիածինը սոցիալական ծառայությունների բնագավառում իրականացրել է ընդհանուր 360.070.173 ՀՀ դրամի (երեք հարյուր վաթսու միլիոն յոթանասուն հարյուր վաթսու երեք հարյուր յոթանասուններեք) բարեգործական եւ սոցիալական ծրագրեր, որոնց շարքում աջակցության ծրագրեր հայաստանաբնակ կարիքավոր սիրիահայերին, երկրաշարժից տուժած ընտանիքներին, սահմանամերձ շրջանի 9 քահանաներին, մանկատներին, արյան լեյկոզով տառապող փոքրիկների, հաշմանդամ երեխաների եւ ավտոկաթարի հետեւանքով զոհված 4 զինծառայողների ընտանիքներին:

Անդրադառնալով թեմական կյանքին՝ տեղեկացվեց, որ Ամենայն Հայոց Կաթողիկոսության կանոնական տարածքներում գործում են 33 թեմ եւ 3 հայրապետական պատվիրակություն, 718 եկեղեցի ու վանք, 812 ծով եւ ծխական առաքելություն, որտեղ կա 263 կիրակնօրյա դպրոց, նաեւ՝ տիկնանց եւ երիտասարդաց միություններ: Թեմերում 2018 թ. իրականացվել են հոգեւոր-քարոզչական, սոցիալական, կրթամշակութային բազմաթիվ ծրագրեր:

Հայ եկեղեցու աշխարհասփյուռ թեմերում նախորդ տարում օծվել է 18 եկեղեցի, որոնցից 1-ը՝ Արարատյան հայրապետական թեմում, 3-ը՝ Գուգարաց թեմում, 1-ը՝ Սյունյաց թեմում, 1-ը՝ Արագածոտնի թեմում, 1-ը՝ Տավուշի թեմում, 5-ը՝ Արցախի թեմում, 3-ը՝ Վիրահայոց թեմում, 2-ը՝ Ռուսաստանի եւ Նոր Նախիջեւանի հայոց թեմում, եւ 1-ը՝ Ուկրաինայի հայոց թեմում:

Լրատվական նյութերը՝ Մայր Աթոռ Ս. Էջմիածնի տեղեկատվական համակարգի

Մատնան Տերյանի «ՆՈԳԵՎՈՐ ՆԱՅԱՏԱՆԵՒԻ» ԽՈՐՀՈՒՐԴԸ

(բանաստեղծի ծննդյան 134-ամյակի առթիվ)

Սկիզբը՝ թիվ 5

ԲԱՆԱՍՏԵՂԾՆ ԻՐ ժողովրդին հորդորում է պահել եւ պահպանել հայկական հարուստ մշակույթը, ստեղծել հոգեւոր հայրենիք: Ցարիզմի հայահալած քաղաքականության պայմաններում նման հայրենիքի ստեղծումն անհրաժեշտություն էր առաջին հերթին հոգեւոր արժեքների պահպանման տեսանկյունից:


Տերյանը հավատում է իր ժողովրդի ներքին ուժին, հավատում է, որ նա կարող է ստեղծել հոգեւոր Հայաստան: Դարերն ու հարյուրամյակներն ապացուցել են իր ժողովրդի զորեղ ուժը: Հայը միշտ էլ կարողացել է իր ստեղծած արժեքներով պահպանել իր ինքնությունը, շարունակել երթը պատմության դժվարին քառուղիներով: Պատմությունը կարող է փաստել իր ազգի հոգեւոր ավանդների մասին: Մշակույթն ու գիրը բազմաթիվ անգամներ զենքի նման պաշտպանել են հայ ժողովրդին՝ դառնալով նրա գոյության երաշխիքն ու ինքնության կռվանը: Մեր թշնամիներին չի հաջողվել սրի քաշել ժողովրդին, քանի որ նրանց դեմ դուրս է եկել ազգային արժեքներով տոկուն հայ մարտիկը:

Տերյանի առաջադրած գաղափարներն ու հրամայականներն այսօր էլ արդիական են՝ հնչեղություն ունեն: Ներկայումս կատարվող հասարակական բուռն իրադարձությունները չպետք է անցկատ անցնեն մեզ համար: Պետք է հետեւողական լինենք՝ ըմբռնելով դրանց հեղաշրջիչ նշանակությունը: Դատարկ խոսքեր են մեր փոքր ազգ լինելու բնորոշումները: Ազգի մեծու-

թյունը հոգեւոր արժեքներով է որոշվում: Եթե այսօր հայության սիրտը պարզված է դեպի ապագան, եթե նա հավատում է իր գալիքին, ապա իր հայացքը ոչ միայն Վան ու Երզրում պիտի դարձնի, այլեւ իր ներսը՝ հոգու խորքը՝ տեսնելու համար, թե կա արդյոք իր մեջ այն ամենը, ինչ կենդանություն է տալիս նյութական Հայաստանին: Եթե նման հավատ կա, ապա հայը ձեռքը ձեռքին ծալած չի մտի եւ ձեռնամուկ կլինի հոգեւոր հայրենիքի ստեղծմանը: Մեր հոգեւոր հայրենիքը մի ավերված երկիր է. նրա ավերված շենքերը կանգնեցնելու համար անձնվիրություն ու բուռն ոգեւորություն է հարկավոր: «Քննեցեք ձեր սիրտը եւ նայեցեք, թե կա արդյոք այնտեղ հավատ, որով պիտի կենդանանա մեր այդ հոգեւոր Հայաստանը, եթե չկա, ապա զուր եմ ձեր ջանքերը նյութական Հայաստանի համար... Նա չի կենդանանա, նա հոգով միայն կարող է կենդանի լինել...» (նույն տեղում, էջ 116–117):

Բանաստեղծի նույն մտահոգություններն առկա են նաեւ «Երկիր Նաիրի» շարքի բոլոր բանաստեղծություններում: Նաիրին դառնում է հայրենիքի հավաքական խորհրդանիշ, հավաքական կերպար: Դեռ անմարմին, անիրական էր այդ Հայաստանը, բայց շատ փափագել էր Տերյանի համար: Այդ հայրենիքը դեռ չկար, բայց գրողը երազում էր նրա գալստյան մասին: Ամսօրյապես հիշում ենք Տերյանի հիշյալ շարքի «Միթե վերջին պոետն եմ ես» (4. Տերյան, Երկերի ժողովածու 4 հատորով, հ. 1, եր., 1972, էջ 249) բանաստեղծության հետեւյալ տողերը.

Ահով ահա կանչում եմ քեզ Ցույա, ցնորք Նաիրի... Նույն շարքի այլ բանաստեղծության մեջ (նույն տեղում, էջ 244) կարդում ենք. Մշուշի միջից,– տեսիլ նյութական,– Բացվում է կրկին Նաիրին տրտում... Փաստորեն՝ Նաիրին ցնորք է, իղծերի ու երազանքների մարմնացում, Նաիրին նպատակ է՝ անհասանելի ու դյուրական տեսիլ պարուրված անսահման մշուշով: Հենց այդ տեսիլ լինելու գիտակցումից էլ ծնվում է բանաստեղծի տագնապը. չլինի՞ մեր հայրենիքի տեսիլն անմիջապես անհետանա: Տերյանն ստեղծում է ապագայի հայրենիքի լուսն տեսլականը՝ միաժամանակ երկյուղելով, թե այն կարող է չիրականանալ: Տերյանի՝ հայրենիքի կերտած կերպարը քաջ հայտնի է «Երկիր Նաիրի» շարքի հետեւյալ բանաստեղծությունից (նույն տեղում, էջ 243). Չլացա խնդուն փառքիդ Անցյալ ու հին փայլով երբեք.– Սիրեցի հեզ, անքն հոգիդ, Եվ երգերդ մեղմ ու բեկբեկ, Խեղճությունդ խավար ու լուռ, Աղոթքներդ դառն ու ցավոտ. Չանգակներիդ զարկը տխուր, Եվ խուղերիդ լույսերն աղոտ: Հայրենիքի կերպարը մեր կողմերից է բացահայտվում «Կարծես թե դարձել եմ ես տուն» եւ «Հիշում եմ ինչպես այն ուշ» բանաստեղծություններում: Այս ստեղծագործություններում պատկերվում է հայրենիքի ինքնատիպ




գեղեցկության նկատմամբ անսահման կարողություն: Տունդարձի պատրանքը վերադարձի տպավորություն է ստեղծում դեպի մանկությունն ու հեքիաթների նվիրական ժամանակները: Պատրանքը լիակատար է դառնում, երբ արեւը հանգչում է հեռվում, հեքիաթն անվերջ օրորում է, իսկ իլիկը՝ անուշ խոսում:

Ճիշտ է, երբեմն Տերյանին համակում են հուսալքությունն ու տագնապը, թե արդյոք այդ «մեռնող» երկրում «հարյավ» պիտի երգի իր երկրի համար, բայց դրան հետեւում է մեծ հայրենասերի, իր ժողովրդի քաջ զավակի պատասխանը. «Որքան մութը սեւ, այնքան ես համար»: Սա փաստում է բանաստեղծի անմար հավատն ու երկնելու կոչը եւ այն համոզումը, որ սուրբ է իր երկրի ուղին, եւ վեհ՝ նրա պատկը: «Երկիր Նաիրի» շարքը նաեւ կոչ է հայրենիքին, կոչ այն աշխարհին, որտեղ մայր կա, սիրած էակ ու հայրենի տուն:

Շարունակությունը՝ էջ 6

ՄԱՀՎԱՆ ՖՈՒԳԱ



Գ. Իշխանության սեւ արկղերը

Սկիզբը՝ թիվ 2, 4–5
ԹԱՓ հայացքը կարող է եւ արդարացնել գեներալին, որովհետեւ նա դաժանորեն պատժել էր իր վստահությունը կորցրած դավաճանին։ Իսկ փոքի մեջ կարծրացված խոճկորի պես սեղանին մատուցելը Մարկետի ոճի պարզ արտահայտությունն է՝ համեմված չավազանությամբ ու երեւակայությամբ։

Գեներալի համար սերը հեռու բան է, մոտիկը կիրքն է, որը պալատում սպասուհիների է կռացնում եւ դպրոցից տուն դարձող աղջիկների պառկեցնում։ Յետո հեղինակը բարոյական շրջադարձ է անում՝ դպրոցական աղջիկների անունով նրան մատուցում էին նավահանգստի շուրջօրյա թիթեմնիկների։

Միակ եւ օրինական սերը նրա համար Լետիսիա Նասարեանն էր, որը ծերության մթնամշուշ խորխորատներում նրան գրել-կարդալ սովորեցրեց։ Դրանից հետո գեներ-

ալը սովորություն դարձրեց իր առանձին մտքերը գրի առնել թղթի պատառիկներին, դրանք ոլորել ու խցկել կառավարական տան ցանկացած անկյուն։ Յետո դրանք պատահաբար գտնում ու կարդում էր եւ վերականգնում հիշողությունը՝ «որպեսզի հիշեր, թե ով է ինքը, երբ հիշողությունն իսպառ կորցներ» (էջ 128)։

Ինչպես բուդդայականներն իրենց մ ա մ թ ա մ ե թ ը ՝ աղոթքներն էին գլանակում, ինչպես գնչուները բախտի հուշագրերն էին գլանակում եւ թութակների կտուցներով պատահական մեկը հանում՝ որպես բախտագուշակ, այդպես էլ նահապետը լավ խոսքերն էր գրում մի թղթի վրա, գլանակում եւ խցկում որեւէ տեղ, հետո պատահականորեն գտնելիս հիշողությունն արթնանում էր։ Թղթե գլանակներն ասես հիշողության պահպանակներ լինեն։ Միջամկյալ հիշեմք, որ հիշողության հետ կապված մի ամբողջ շերտ կա «Յարյուր տարվա մենություն» վեպում։

Այսպես՝ գեներալը ոլորած թղթերից մեկի վրա գրել էր. «Իմ անունը Սակարիաս է», հետո կարդացել, իրեն օտար էր զգացել այդ անվանը եւ թուղթը պատռել՝ ես ես եմ։ Բացառիկ անհատն ինչպե՞ս կարող է որեւէ անուն ունենալ, անուն, որ կարող են մատուցել իրենցինքն ունենալ՝ ես ես եմ եւ վերջ։

Կանացի երկու գլխավոր կերպարներից մեկը գեներալի մայր Բենդիսիոն Ավարադոն է, մյուսը՝ կինը՝ Լետիսիա Նասարեանն։

Մոր կերպարը ձեւավորվում է շարադրանքի առաջին իսկ էջերից, ամբողջական պատմություն դառնում 4-րդ դրվագում եւ հետո ուղեկից հիշողություններով շարունակվում մինչեւ վերջ։

Բենդիսիոն Ավարադոն սոված, ցնցոտիավոր թափառաշրջիկ է եղել, որը հանում մի կտոր հացի՝ տրվել է աջ ու ձախ։ Եղել է գեղեցկատես եւ շատ պարզամիտ։ Նրա վարքը փողոցային է, որդու համար՝ սրբազան, որն իրեն միայնակ էր սաղմնավորել եւ միայնակ էր ծննդաբերել։ Մինչդեռ մայրը չէր էլ հիշում, թե փախստականներից որ մեկից է ոտքի վրա հղիացել։ Ընկերքը խոզերի առաջ են նետել, իսկ նորածնի ծեռքերի ափերը բախտագծեր չեն ունեցել, ինչը թագավոր դառնալու նախանշան էր։

Մոր մահը զագրելի է՝ թիկունքի խոցերի մեջ ճիճուներ ու նեխահոտ։ Բայց որդին առանց խորշանքի խնամում է նրան, ամեն ինչ անում անձամբ՝ առանց անգամ անհրաժեշտ զգուշավորության։

Մոր մահից հետո հանկարծ նկատում է, որ ձեռքը կրծքին սեզմած նրա պատկերը նույնությամբ դրաշմվել է սավանին։ Ասես Քրիստոսի պատանքը լինի։ Դա հետո Վատիկանից եկած պապի նվիրակը պետք է կասկածի ենթարկեր եւ դրա համար գեներալի հրահանգով ամարզվեր, բայց ի վերջո նա հասնում է նպատակին եւ մորը սրբադասում։ Վերաբերմունքը. «Իսկ պապը թող մեկընդմիջտ ականջին օղ անի, որ ինքը պապ է Յոնան <...>, իսկ էստեղ ես եմ եմ, ինչ կամ»։ Երախտապարտ որդին հատուկ հրամանագրով «հայրենյաց մեծ մայր» է հռչակում սիրասուն ծնողին եւ տարածում պաշտամունքը։

Պաշտոնապես հայտարարված հարյուրօրյա սգի ընթացքում մոր դագաղը նվազախմբի ուղեկցությամբ շրջում են ամբողջ երկրով մեկ՝ «որպեսզի ոչ ոք անմասն չմնար նրա հիշատակը հարգելու պատվից» (էջ 133)։ Եվ նրան համոզում են, որ ամբողջ

ճանապարհին սառույցով պատված դիակը ոչ միայն ամենեւին չքայքայվեց, այլեւ հանգուցյալն աչքերը բացեց. «Տեսանք, որ նրա բիբերը բյուրեղի պես վճիտ էին, հունվարյան ընծախոտի պես մոռ ու լուսնաքարի պես ջինջ, եւ անգամ ամենաթերահավատներս տեսանք, թե ինչպես դագաղի ապակին պղտորվեց նրա շնչի գոլորշուց, եւ ինչպես նրա ծակոտիներից կենդանի ու անուշաբույր քրտինք բխեց, եւ տեսանք, թե ինչպես ժպտաց նա» (էջ 135–136)։ Քայքայման պատկերը վերածվում է հարության, հրաշք է կատարվում՝ մշտամուկ ջորիները ծնում են, անապատում ծաղիկներ են աճում, խոլուհամրերը խոսում են։ Քրիստոնեական հրաշապատում։

Վերջում էլ պարզվում է, որ մոր անունն ամենեւին էլ Բենդիսիոն Ավարադո չի եղել, որտեղ Բենդիսիոն թարգմանաբար մշանակում է օրհնություն, որովհետեւ դա իրենց կողմերի անունն է։ Կարելի էր գեներալի կամքն է, որ ներկայանում է որպես ժողովրդի կամք։ Ըստ այդմ՝ «Բենդիսիոն Ավարադոյի քաղաքացիական սրբությունը հռչակվեց, նրան ազգի հովանավոր սուրբ, տառապյալների ամոքիչ, թռչունների տիրուհի կոչումներ շնորհվեցին, եւ նրա ծննդյան օրը ազգային տոն հայտարարվեց...» (էջ 153–154)։ Սույն հրամանագրով նա պատերազմ էր հայտարարում Մայր Աթոռ Վատիկանին։ Այսպես դրվագ առ դրվագ հեղինակը խորացնում է գեներալի ծաղրը, ամեն ինչ լուրջ է, պետության, իշխանության անունից, բայցե՛ւ ծաղրուծանակ, որ վերածվում է սպանիչ գրոտեսկի։

Պարզունակ այս կինը, մեկ անգամ որդուն տեսնելով երկրի ղեկավարի զինվորական հագուկապի մեջ եւ հպարտանալով նրանով, դիվանագետների առջեւ բացականցել է. «Եթե իմանայի, որ տղաս հանրապետության մահունից, բայցե՛ւ ծաղրուծանակ, որ վերածվում է սպանիչ գրոտեսկի»։

Շարունակությունը՝ էջ 7

ԻՎԱՆ ԻԼՅԻՆ

ԳԼԽԱՎՈՐԸ

ԺՌԿՈՎ-ԺԱՄԱՆԱԿՈՎ մի տարօրինակ մարդ է ապրել. մարդ, որը կորցրել էր «գլխավորը»։ Մեծահարուստ էր եւ ուներ այն ամենը, ինչ կարող է մարդ իր համար ցանկանալ, այդուհանդերձ, մի բան կար, որը նա չուներ ու որի անունն իսկ չգիտեր։ Նա այնքան բանի էր ձեռնհաս. գրեթե ունակ ամեն ինչի, սակայն չգիտեր մի բան, որին կարելի կլիներ ձգտել, եւ կյանքը հաշս նրա անիմաստ ու մեռյալ էր թվում։ Նրան ոչինչ չէր ուրախացնում, եւ տակավ ամ տակավ իր հարստությունն անտանելի բեռ էր դառնում։ Այդ ժամանակ նա գնում է մի պառավ կնոջ մոտ, որը իրե լեռան քարայրում քնած՝ խնամքով փայփայում էր իր հիմավորյալ իմաստությունը, եւ պատմում իր դժբախտ վիճակի մասին։

«Գնա՛ մեծ աշխարհ,– ասում է նրան պառավը,– որոնք կորուսյալը. քո դժբախտությունը մեծ է, քեզ պակասում է գլխավորը, եւ քանի դեռ դա չես գտել, կյանքը քեզ համար ցավ ու տառապանք կլինի»։ Եվ դժբախտը որոնումների ճամփան բռնեց։

Սույն հեքիաթը մտաբերում են ամեն անգամ, երբ մտորում են ժամանակակից աշխարհի եւ նրա հոգեւոր ճգնաժամի շուրջ։ Որքան հարուստ է աշխարհն իր նսեմ բարիքներով եւ այսպես էլ հա կհարստանա ու կհարստանա։ Տարածությունը կհաղթահարվի, օդը կնվաճվի, մատերիայի խորհրդավոր հատկությունները կբացահայտվեն ու կհնազանդեցվեն, անհասանելիները հասանելի կդառնան, չլսվածները՝ լսելի։ Օրավուր մարդու տրամադրությամբ մերքո նորանոր գործիքներ, միջոցներ ու հնարավորություններ կդրվեն։ Բայց գլխավորը կբացակայի։

«Ինչպես» երկրային կյանքն անկասելի ու հաջող զարգանա, երբ երկրային կյանքի «ինչի համար»-ն աննկատ կորել է։ Այո, աննկատ, որովհետեւ հոգեւոր ցրավածությունը սոսկ մի քանի դար է տևել։ Ինչպես,

«ԳԻՐԷ ՄՏՈՐՈՒՄՆԵՐԻ»

ասեմք, ցրվածությամբ տառապող մարդու պարագայում, որը շախմատ խաղալիս բարդ ու բազմաբայլ կոմբինացիա է մշակել եւ արդեն կիսով չափ այն իրագործել է, սակայն հանկարծ մոռանում է խաղի պլանը։ «Լավ։ Բայց ինչո՞ւ եմ ես դա ձեռնարկել։ Իրականում ի՞նչ էի ես այդու ցանկանում ամել»։

Ժամանակակիցների մեծամասնության համար սույն հարցը գիտակցության սեփականություն չի էլ դառնում։ Նրանք ոչինչ չգիտեն «կյանքի ինչի՞ համար»-ի մասին, ինչպես եւ չեն նկատում իրենց տգիտությունը։ Նրանք ոչ մի պատասխան չունեն, նույնիսկ չեն էլ նկատում պատասխանի բացակայությունը։ Կորուսյալը, հավանաբար, կարելի կլիներ գտնել, սակայն նախ պետք է նշմարել նրա բացակայությունը. չէ որ միայն այդժամ հնարավոր կլինի ձերբազատվել դժբախտությունից, հնարավոր կլինի իրականացնել որոնումները։

Արժի հիշել վերջին հարյուրամյակի բնագիտական եւ տեխնիկական հայտնագործությունները։ Գոլորշի, էլեկտրականություն, մանրէների բուծում, գազ, երկաթբետոն, ինքնաթիռ, ռադիո, հավանաբար, ատոմի մոտալուտ տրոհում, եւ դեռ ով գիտի, թե ինչեր։ Ինքնին բավական է եւ չափից ավելի բավական է՝ ինչ-որ մեծ բան ստեղծելու համար։ Սակայն այս ուղիներով ընթանալը ենթադրում է համապարփակ խանդավառված, նպատակասլաց ու հեռատես գիտակցություն, արվեստի վիթխարի հոգեւոր-դաստիարակչական ուժ։ Կյանքն առանց իմաստի դառնում է առավել վտանգավոր, քան երբեւէ։ Ստեղծագործական հնարավորությունները կարող են համատարած ավերածությունների գործիքների վերածվել։ Չէ որ դրանք ինքնին ոչ «լավն» են, ոչ էլ՝ «վատը»։ Դրանք սոսկ հզոր, անորոշ «հնարավորություններ» են, հարստացված ներուժ, ինչպես չլրացված, բայց ստորագրված լիազորությունների վկայական կամ էլ վտանգի տեսանկյունից հետազոտված քնած հրաբ-

խային լեռ՝ անկանխատեսելի ու քմահաճ ըստ ամենայնի։

Ժամանակակից մարդկությունը գեթ անսխալ իմտոլիտիվ կերպով պիտի զգա, թե «ուր» է ինքն ընթանում, «ինչի համար» են նրան ընձեռված այս հնարավորությունները, «ինչպես» պետք է դրանք օգտագործել, կիրառել, որպեսզի ստեղծագործական շավիղը ավերակների ուղու չվերածվի։ Նա պարտավոր է նաեւ իմանալ, որ միմիայն հոգեւորապես կայացած, ազնիվ ցանկություններով առաջնորդվող ու կարգապահ մարդն է ի վիճակի չչարաշահելու այդ հարստաց-



ված ներուժը։ Միթե երեխային թույլ կտան վառողի հետ խաղալ։ Չարաբաստիկ բանն էլ արդյոք, երբ կախարդի աշակերտը ոգիների հմայությամբ է զբաղվում, բայց չգիտի՝ ինչպես դրանցից ազատվել։ Ինչ կպատահի, եթե հոգեւոր արմատներից կտրված եւ բարոյապես սանձարձակ «աշխարհը նվաճողների» մի խումբ մարդիկ սկսեն պրպտել

ասում. նա ինքն անձամբ պիտի վերապրի կացությունը, իմաստավորի այն ու գլուխ հանի դրանից։ Չաճախ բավական երկար ժամանակ է անցնում մինչ դա տեղի կունենա. հաճախ էլ ըմբռնողությունը չափազանց ուշ է գալիս, եւ այդժամ մարդը դառնում է անօգնական ու կորած-մոլորած։

Շարունակությունը՝ էջ 6

Շահան Շահնուրի մի ղաֆաֆական մշակումը

Սկիզբը՝ թիվ 5

ԵՆՆԵԼՈՎ այդ եւ այլ հարցերի հրատապությունից՝ Շահնուրն իր վերոհիշյալ պատմվածքը վերամշակեց, որը շատ ավելի ծավալուն դարձավ (մախրոդից գրեթե չորս անգամ ավելի), եւ տպագրեց «Բաց տոմարը» գրքում (Շահնուրը ծրագրել էր իր պատմվածքը գետեղել 1949-ին կազմած «Ամսօրիկ էջեր» գրքում. պիտի լույս տեսներ Կիպրոսում, սակայն այդպես էլ չտպագրվեց): Այն լույս տեսավ 1971 թվականին: Կարելի է ասել, որ Շահնուրը մի շարք էական փոփոխություններ է կատարել:

Պատմվածքի երկու տարբերակներն էլ գրված են առաջին դեմքով: Հեղինակն իր հերոսին տրված էմիլ անվամբ հանդես է գալիս որպես թե՛ դեպքերի շարադրող, թե՛ այդ դեպքերն ու երեւոյթներն իր խոհերի ու դատողությունների միջով անցկացնող վերլուծաբան:

Պատմվածքը փոփոխության է ենթարկվել հենց սկզբից. եթե առաջին տարբերակն ուներ «Կարելուր ծօն» վերատառությամբ բնաբան, որտեղ հեղինակն իր գործն ուղղում էր... բոլոր այն «անհանդարտ ու դիրաբորբոք գրիչներում» որ կը պատասխանեին՝ *ամէն կանչի...*» (տես *Մշակված հանդեսը*, էջ 8), ապա 1971-ի հրատարակության մեջ «Կարելուր ծօնը» ամբողջովին հանվել է, եւ պատմվածքը կրում է ընծայական՝ «Բարեկամիս» Գուրգեն Մահարիի յիշատակին» (տես *Շահնուր Շ., Բաց տոմարը, Փարիզ, 1971, էջ 7*): «Ձօնում» խտացված միտքը՝ «ամէն կանչի» արձագանքելու պատրաստակամությունը, որը պատմվածքի ընթացքում, իհարկե, ենթակա է մնում մերժման:

Եթե առաջին տարբերակում հեղինակը լոկ տալիս է հերոսի անունը՝ Էմիլ, երկրորդում ծավալուն մեկնաբանությամբ «բացատրում» է գործատերերի կողմից գաղթական հայ էմիլին տրված տարանվանումների՝ Ժան, Փիեռ, Առնան, Ռոպեռ, պատճառը. ֆրանսիացիները բուն վավերական անունն արտասանում են այնպես, «*ինչպես կարելի չէ գրել եւ ոչ մէկ լեզուով*» (էջ 7), դրանով իսկ մի կողմից ընդգծելով այն բնական հակասությունը, որ կա գաղթական հայի եւ տեղաբնակ մարդկանց միջեւ, մյուս կողմից՝ համակերպական այն պահվածքը, որ բնորոշ է էմիլի տեսակի մարդկանց:

Պատմվածքի երկու տարբերակում էլ էմիլին տրված աշխատանքային առաջադրանքը նույնն է՝ երեխաների համար պատրաստել մեխանիկական գործիք՝ «սինեմա մը», եւ հերոսն իր օգնական բանվորների հետ «ջարդում» է հավաքվածների հետաքրքրասիրությունը: Առաջին տարբերակում Շահնուրը ոչ մի խոսք չի ասում հանդիսատեսների եւ, առավել եւս, նրանց հետաքրքրասիրությունը «ջարդելու» մասին: Մինչդեռ վերամշակված տարբերակում գրողն այլ ծավալումներ է տվել իր խոսքին: Շահնուրի գրելաոճին առհասարակ շատ բնորոշ են մտքի թռիչքները, որոնք նա հաճախ կատարում է իր պատումից «շեղվելով» ելնելով արտահայտած որեւէ մախաղասությունից, բառակապակցությունից եւ անգամ բառից: Այս պատմվածքում էլ բավականին շատ են մնան օրինակները: Գործածված «ջարդ» բառը նրան մղում է շատ ավելի ընդհանրական ու խորքային այլ ասելիք-եզրահանգման, որն ուղղակի առունով առնչվում է հայ ազգային ու քաղաքական պատմությանը. «*Ջարդը չի լուծեր ոչ մէկ հարց... կը ստեղծէ նորեր*» (էջ 9):

Վերամշակված տարբերակում վերոնշյալ հատվածից ընդամենը երկու պարբերություն հետո Շահնուրը նորից է «հեռանում» իր խոսքից՝ դարձյալ «շեղվելով», իսկ ավելի ստույգ՝ պարզաբանելով մանուկների համար կառուցած իր ձեռնակերտ շինությունը՝ այս անգամ հարցը շաղկապելով արվեստի ելության հետ. «*Ինչ էր: Ինչպէս կ'ուզէ որ նկարագրեմ շինութիւնը, երբ չեն հաւատար նկարագրականներու փոխանցելի զօրութեան*» (էջ 9):

Բուն շարադրանքից հեղինակային հեռացումները միայն այս կամ այն բառի կամ արտահայտության հետ չեն կապվում: Այդպիսի առիթ է ընծայում նաեւ ներկայացվող պատկերը կամ այն նյութը, որի մասին խոսում է գրողը: Առաջինի վառ օրինակ է պատմվածքի մախնական տարբերակում Լյուքսեմբուրգի պարտեզում կանգնեցված գրական գործիչների արձանների հպանցիկ պատկերը. «*Մառի Ըսթիարթ եւ Ժորժ Սան կոնսակնին դարձուցին մեզի, սակայն իմ երկու սիրականներս՝ Սթենտալ ու Ֆլոպեր հետեւեցան մեր քրտինքներում, իրենց աչքին պոչով*» («Մենք» հանդես, Փարիզ, 1931, էջ 8):


Երկրորդ տարբերակում Շահնուրը գրում



է Ֆրանսիայի «հնադարեան» թագուհիների «առասպելական բանբասանքի» մասին, որը «...ազգի մը պատմութեան ենթահողմ իսկ է»: Սակայն ըստ Շահնուրի՝ «բանաստեղծներն ու վիպասաններն» «ազգի մը պատմութեան» տեսանկյունից «աւելի վտանգաւոր» են, քան իշխանավորներն ու թագուհիները:

Շարունակությունը՝ էջ 8

Մշակված Տերյանի «Նորեվոր ՆԱՅԱՏԱՆԻ» ԽՈՐՀՈՒՐԷ



Սկիզբը՝ էջ 4

Այդ ամենը շնչում ու ապրում են հայրենիքի նկատմամբ անասիման սիրով: Ինչպես Շամիրամը, այնպես էլ մյուս գայթակղությունները, օտարությունն ու կախարդանքները չեն կարող հեռու պահել գրողին իր հայրենիքից: Անգամ հեռուներում նա մշտապես երգել է հայրենի երգերը, սրտում վառ պահել «նոր հայրենիքի» տեսլականը:

Նախքան երկրում շատ վերքեր ու վարդեր են բացվել արմատ: Ոչ մի տեղում, ոչ մի վայրում մարդկային դաշույնն այդքան քիմոտ ու չար չի եղել: Չնայած այդ ամենին՝ ժողովուրդը շարունակել է ապրել եւ արարել: Ու իր ստեղծած արժեքներով պարտավոր է կերտել իր նոր ու վերածնված հայրենիքը: Անպարտ է մեր ժողովուրդը՝ իր անբեկանելի հավատով, իր ստեղծագործ մտքով ու ձեռքով, իր արդարասեր ու մարդասեր հոգու ազնիվ մղումներով: Այն, ինչ հայրենիքի

հոգին ու սիրտն է, նրա համար թանկ է եւ անուրանալի:

Մեզ հոգեւոր հայրենիք է պետք. ահա գրողի ցանկությունը, երազանքը: Ինչո՞ւ, որովհետեւ դարերի ընթացքում մենք զրկվել ենք նյութական հայրենիքից, մեր երկիրը բազում անգամներ հայտնվել է օտարի լծի տակ, եւ ժողովուրդը դարեր շարունակ պայքարել է իր ազատության ու անկախության համար, թշնամուն իր երկրի սահմաններից հանելու համար: Չնայած այս ամենին՝ հայ ժողովուրդը շարունակել է գոյատևել, շարունակել է ապրել եւ արժեքներ արարել: Ժողովրդին այդ արժեքներն ու խոչընդոտները հաղթահարելուն օգնել են իր իսկ ստեղծած արժեքները՝ գիրը, գրականությունը, արվեստը, մշակույթը: Թշնամուն երբեք չի հաջողվել ընկճել հայ ժողովրդի կամքն ու հոգին: Այս ամենից դաս քաղելով՝ պետք է հասկանալ, որ նյութական արժեքներից կարելի է հեռանալ, բայց հոգեւոր արժեքներից՝ երբեք: Հոգեւոր արժեքների կորուստն ինքնառնչացման կտանի ազգին՝ առանց փրկության որեւէ հույսի: Ուրեմն առանց հոգեւոր հայրենիքի գաղափարի, առանց նյութական արժեքների ստեղծման՝ ազգը չի կարող լուծել կեցության հարցերը: Եվ նյութական ցանկացած խնդրի լուծում այդ դեպքում դատապարտման կարծանամա: Ահա հոգեւոր հայրենիքի ստեղծման ու պահպանման կարևորությունը, հայրենիքի մասին մի առաջադեպ, իսկ դրա նպատակը՝ հոգեւոր արժեքների զարգացումն ու պայծառ ապագայի կերտումը: Այսպիսի ներքին հավատ է անհրաժեշտ մեր մտավորականությանը եւ առհասարակ ժողովրդին, մեզանից յուրաքանչյուրին: Այդ հավատի առկայության պայմաններում հոգեւոր հայրենիքի գաղափարը մարմին կստանա, կենդանի կլինի հայրենիքը գոյության հավերժ շրջալույս:

Մերի ՀՈՎՀԱՆՆԻՍՅԱՆ
Բանասիրական գիտ. թեկնածու

«ԳԻՐՔ ՄՏՈՐՈՒՄՆԵՐԻ»

Սկիզբը՝ էջ 5

Խնդիրը ծայրում է. ըստ գոյության հիմնարար սկզբունքի՝ դու, ինչպես եւ բոլոր մարդիկ, միայնակ ես աշխարհում. դու պիտի հասկանաս քո մենությունը, ընկերամաս նրա հետ եւ հոգեւորապես հաղթահարես այն. չէ որ նա կուղեկցի քեզ մինչեւ կյանքիդ վերջին օրը, սակայն բնավորությունդ, շնորհիվ նրա, գոյություն, արժանապատվություն ու բարություն ձեռք կբերի:

Միայնակ է այս աշխարհ գալիս մարդը՝ շնչել պահանջող տառապանքի արձակած առաջին ճիշով. միայնակ է այս աշխարհը լքում նա՝ վերջին շնչով փորձելով ինչ-որ բան արտաբերել: Երբեմն այնքան շատ բան է արվում նրա համար, իսկ նա այդպես էլ միայնակյաց է մնում՝ իր իսկ մարմնի խցում բանտված: Այն ամենը, ինչ նա հրճաբաց իր կյանքի այս բանտախցում զգում է, ընկալում, զգալով ճանաչում, այն, ինչի տեսնում է, ինչի մասին խորհրդածում, ոչ ոք չի կարող վերապրել այնպես, ինչպես ինքը. այն ամենը, ինչ իր միայնության մեջ ընդունում է, որոշում, իրագործում, զոհողությամբ ի կատար ածում, վերապրում եւ անքնության, հիվանդության, հոգսերի, անհաջողության, հուսահատության մեջ քաշում, միմիայն ինքը գիտի: Կյանքի ամենայն մշանակալից իրադարձությունը՝ առաջին սիրուց մինչեւ ծնողների մահը, ամենայն կարեւոր որոշում, իր ուներին դրված ամենայն պատասխանատվություն, ամենայն կսկիծ ու վիշտ նրան զգալ են տալիս յուր մենակությունը: Սոսկ սակավաթիվ մարդկանց է վիճակված եղել վերապրել ծայրահեղ միայնությունը՝ խռովահույզ սուր իրավիճակում՝ խռովահույզ ծովում, լռակյաց լեռներում, երեկվա մարտի դաշտի մոռացության մեջ, բանտախցում՝ իր հոգեկան ու հոգեւոր միայնությունն ըմբռնելու համար: Սույն ցմահ միայնությունը ծանրաշունչ բեռ է, բայց ընդամենը նաեւ մեծ բարիք:

Իր մենավորությունը գիտակցելուն պես՝

մարդը հարց է տալիս. «Ո՞վ կօգնի ինձ»: Ի պատասխան հնչում է. «Ես ինքս պիտի օգնեմ ինձ»... Ահա այսպես դրվում է բնավորության առաջին քարը: Պատասխանը նաեւ ծայրում է. «Որքան առավել հավատարիմ լինեմ Երկնային Տիրոջը, այնքան անխափան կհասնի ինձ Նրա օգնությունը»... Ահա այսպես դրվում է կենդանի հավատի առաջին հիմնաքարը: Միայնության մեջ մարդը գտնում է ինքն իրեն, իր բնավորության գոյությունն ու կյանքի սրբազան ակունքը:

Իսկ երբ մարդը վերահասու է լինում ուրիշի միայնությանը, այսինքն՝ նրան, ինչ յուրաքանչյուրն ապրում է իր իսկ անձի մեջ անփոփված, սակայն տակավին միայնության բեռին ու բարիքին հասու չեղած, ապա դա արդեն կարեկցանք ու սեր է, որոնցով մենք տոգորվում ենք՝ կարեկցանքով տկարի եւ սիրով ուժեղի նկատմամբ: Այդժամ նա ասում է. «Ես օգնության ձեռք կնեկնեմ նրանց: Եղբայրներ, ես կօգնեմ ձեզ, քանի որ դուք միայնակ եք, իսկ ես քաջատեղյակ եմ դրա դառնությունը ու խաղերին»: Մենությունը ճաշակած մարդը գտնում է իր միայնակ տառապյալ եղբորն ու օգնում նրան: Եվ հենց աստ է, որ ծնվում են հոգեւոր սերը, եղբայրությունն ու զգացմունքների ճշմարիտ միաբանությունը:


Մեզ տրված չէ ձերբազատվել միայնությունից: Սակայն բոլորս էլ կոչված ենք արժանապատվորեն ու հավատով կրելու մեր միայնությունը եւ, սիրելով ու օգնելով, ուրիշի միայնությունը դարձնելու տանելի, պատվարժան ու հոգեւոր:

Սա է մխիթարությունը... Այսպես եւ միմիայն այսպես ձեռնհաս կլինենք հաղթահարելու միայնությունը. մենք՝ միայնակ աղամորդիներս՝ հայացքներս դեպի վեր ուղղելով ու իրար օգնելով:

Շարունակելի

Ուսերենից թարգմանությունը՝
Գրիգոր ԴԱՐԲԵՅԱՆԻ


Դմիտրի Նալբանդյանի ստեղծագործական ժառանգությունը



ՀԱՅԱՍՏԱՆԻ կերպարվեստում մշակակալից ավանդ ունի Դմիտրի Նալբանդյանը: Նա այն մշակավոր սովետահայ նկարիչներից էր, որի ստեղծագործությունները բարձր գնահատվեցին խորհրդային իշխանությունների կողմից:

Դմիտրի Նալբանդյանը ծնվել է Թիֆլիսում 1906 թ. սեպտեմբերի 15-ին: Ուսանել է ռուսական գիմնազիայում, որտեղ էլ նկարչության ուսուցիչը նկատում է տղայի նկարչական ընդունակությունները: Ծնողներն ամեն կերպ խրախուսում էին որդուն, որ շարունակի զարգացնել իր նկարչական ունակությունները: Դմիտրիի հայրը որոշում է նրան տալ լավ կրթության, սակայն մահանում է, եւ որդին ստիպված է լինում աշխատել շինանյութերի գործարանում՝ որպես բանվոր՝ ընտանիքի ապրուստն ապահովելու համար: Այնուամենայնիվ 1922 թ. պատանի Դմիտրին ընդունվում է նկարչական ուսումնարան: Դմիտրի Նալբանդյանի՝ որպես նկարչի ձեռավորման գործում լուրջ դեր է խաղացել Թիֆլիսի գեղարվեստի ակադեմիան, որտեղ նա ուսանել է 1924–29 թթ.: Նրան դասավանդել

են հայտնի նկարիչներ Ե. Լամսերեն ու Ե. Թադևոսյանը: Վերջիններս օգնում են իրենց շնորհալի սանին հասկանալ արվեստի վեհ նպատակները: Նրանք մաեւ փորձում են Դմիտրիի մեջ սեր արթնացնել պերեկլիթնիկների արվեստի հանդեպ: Հաջողությամբ ավարտելով ակադեմիան՝ երիտասարդ արվեստագետը 1930-ականների սկզբներին տեղափոխվում է Մոսկվա: Այդ տարիներին նա առիթ է ունենում շփվելու Դ. Մորի, Ա. Գերասիմովի, Ս. Մերկուրովի, Ի. Գրաբարի, Պ. Սոկոլով-Սկալի, Պ. Ռադիմովի եւ հայտնի այլ վարպետների հետ: Շփումն այս մարդկանց հետ շատ կարեւոր էր նկարչի ստեղծագործական աճի համար: Նալբանդյանը համառորեն փնտրում էր իր ճանապարհն արվեստում: Նա դիմում է արդի եւ պատմա-հեղափոխական թեմաներին: Եռանդուն կերպով աշխատում է ոչ միայն գեղանկարչության, այլեւ գրաֆիկայի ասպարեզում: Նալբանդյանը մաեւ նկարում է պատմաճեր եւ ամսագրեր է ձեւավորում: Նկարիչն ակտիվորեն մասնակցում է 1930-ականներին կազմակերպված ցուցահանդեսներին, մասնավորապես՝ «ՌԿԿ-ի եւ Ռազմածովային նավատորմի XX-ամյակը» (1938 թ.) եւ «Սոցիալիզմի ինդուստրիա» (1939 թ.) մեծ ցուցահանդեսներին: Գիտակցելով, որ ինքը տակավին չունի բավարար փորձ՝ իր ստեղծագործական մտահղացումներն իրականացնելու համար, շարունակաբար այցելում է թանգարաններ եւ ուսումնասիրում ռուսական ու համաշխարհային դասական գեղանկարչության լավագույն մոտիվները: Նալբանդյանը երբեւէ չի կրկնօրինակել հին վարպետների աշխատանքները: Նա խորապես ընկալել է հեղինակավոր արվեստագետների գեղանկարչական գործերը, գիտակցել նրանց վարպետությունը եւ փորձել տիրապետել գեղանկարչական պլաստիկայի հարուստ զինանոցին: Նա իր ավագներից սովորել է ստեղծել ամբողջական եւ բոլոր առումներով ավարտուն գործեր: Միեւնույն ժամանակ Նալբանդյանին հետաքրքրում էին բացօթյա գեղանկարչության մոտեցումները: Այդ իսկ պատճառով նա



շատ է աշխատում բնանկարային եւ ժանրային էությունների վրա: Նա ջանում է փոխանցել բնօրինակի գունային ողջ հարստությունը բաց երկնքի ներքո: Նկարիչը մաեւ հաջողությամբ արտահայտում է տոնային ու գունային ճշմարիտ հարաբերությունները: Այդ առումով ուշագրավ է արվեստագետի «Դեպի Ռիցցա տանող ճանապարհը» (1935 թ.) կտավը, որը կատարված է երկնագույնի եւ արծաթագույնի նրբերանգներով: Նալբանդյանն իր կտավներում պատկերում է բնության խստաշունչ գեղեցկությունը՝ մշտապես խուսափելով արտաքին էֆեկտներից եւ հավելյալ հուզականությունից: Պատկերային եղանակով նկարելը նրան հնարավորություն էր տալիս առավել ընդգծելու, ասենք, լեռնային մակերեսապատկերը եւ կամ լեռնային գետի սղնթաջ հոսանքը: Հետագայում նկարիչը դիմում է այնպիսի մոտիվների, որոնցում մարդն ու բնությունը գտնվում են մերթաշն միասնության մեջ:

Մեծ հայրենականը մի տեսակ ստեղծագործական փորձաքննություն դարձավ սովետական բոլոր նկարիչների համար:

Պատերազմի տարիներին Դմիտրի Նալբանդյանը բնակվում ու ստեղծագործում է Հայաստանում, մերձավոր կապեր հաստատում հայաստանցի նկարիչների հետ: Նա ակտիվորեն մասնակցում էր ցուցահանդեսներին, ինչպես մաեւ մշակութային եւ հասարակական կյանքին:

Նալբանդյանի վրա խոր տպավորությունը թողեց արեւառատ Հայաստանի բնությունը: Նա մաեւ սիրեց հայաստանցի աշխատավոր մարդկանց: Երեւան գալուց անմիջապես հետո նկարիչը զբաղվում է ագիտմասայական արվեստով: Նկարիչը, օգտագործելով գրաֆիկական ժանրում ունեցած իր փորձը, ստեղծում է քաղաքական բազում պատմաճեր ու ծաղրանկարներ: Նա հաճախ էր մեկնում ռազմաճակատային գիծ՝ ստեղծագործական նյութեր հավաքելու համար: Նկարչի առավել հայտնի գործերից է «Գնդապետ Ս. Ջաքյանի վերջին հրամանը» (1942 թ.) բազմաֆիգուր կտավը: Դիվիզիայի հրամանատար Ջաքյանը մահացու վիրավորում էր ստացել Դրիմի ճակատամարտում: Բայց նույնիսկ ծանր վիրավոր վիճակում գնդապետը հրամանատարական կետից շարունակում է ղեկավարել մարտը: Նալբանդյանի կտավի հուզական հնչեղությունն ուժեղացնում է մուգ հագեցած կոլորիտը: Լուսաստվերային կտրուկ համադրումներն ընդգծում են պատկերված պահի լարվածությունն ու դրամատիզմը: Նալբանդյանի հաջորդ մեծ կտավը կոչվում է «Նվերներ ռազմաճակատին»: Հայ կանայք Մեծ հայրենական պատերազմի օրերին» (1945 թ.): Այս ստեղծագործությունը ծնունդ էր առել նկարչի հարուստ կենսական տպավորություններից, որ մա ստացել էր Հայաստանում՝ պատերազմի տարիներին: Վերոնշյալ կտավը ցուցադրվել էր Տրետյակովյան պատկերասրահում 1946 թ.՝ համամիութենական հետպատերազմյան առաջին գեղարվեստական ցուցահանդեսում:

Շարունակությունը՝ էջ 8

ՄԱՀՎԱՆ ՖՈՒԳԱ

Սկզբը՝ էջ 5


Երախտապարտ որդին մորը դիմում էր «իմ հոգի մայր», «մայր իմ», «իմ կյանք մայր», «իմ մահ մայր» երդում-մեծարանքներով:

Հոգետը քննիչները մոր անցյալն ուսումնասիրելիս նրա գոյությունը չունեցող ծննդականի փոխարեն գտնում են որդու երեք տարբեր ծննդականներ՝ երեք տարբեր անուններով: Ասես ամեն ինչ միտումնավոր խառնված է խորհրդավոր գաղտնիքի մեջ:

Սոր սրբադասման հետ կապված՝ կաթոլիկ եկեղեցին մտնում է գործարքների մեջ, որ կեղծիքի մեջ կորած աշխարհիկ կյանքի քողարկված շարունակությունն է:

Այստեղ եւս որոշիչ են ուժը, համառությունն ու պարտադրանքը, եւ այս դիրքերից է, որ հերթական հայր սուրբին գեներալն ասում է. «Պահ, եղ եր մնացել պակաս, հայր սուրբ, եղ եր մնացել պակաս որ ոչ ոք ինձ չսիրի <...> եւ երկրում որ իմ կամքով չեմ ընտրել այլ ինձ տվել են հենց էնպես» (էջ 152): Այստեղ է, որ հոգետը աշխարհի ոսկե գմբեթի տակ, ըստ գեներալի, «երկերեսանի աշխարհի» բարբերն են:

Լեոխիսի Նասարեմոյին ընտրել էր մերկանդան իր առջեւով անցնող հոգետը դասի աղջիկների միջից: Նորաթուխ միանձնուհիներից առանձնացրել էր այս մեկին, որը (ծեւավորում է կերպարը) «ոչնչով չէր տարբերվում մնացյալից, կարճահասակ էր եւ լիքը, ամրակազմ, կլորիկ հետույքով, փարթամ ու շլացուցիչ ստինքներով, կո-



պիտ ձեռքերով, առաջ ցցված ամոթույքով, էտիչով կտրտված մազերով, իրարից հեռու-հեռու եւ կացնի մման ատամներով, կճատ քթով, հարթաթաթ, սովորական, բոլորի մման նորաթուխ մի կույս» (էջ 156), որը երբ, առանց գեներալի կողմը նայելու, անցել է նրա մոտով. «ամտառի գազանի մի մուք հետք է» թողել ետեւից, որից գնդապետի շունչը կտրվել է: Աղջկա ներկայությամբ էլ ավելի է խորանում զառամյալ գեներալի միայնությունը, նա իրեն զգում է շփոթված, գլխակորույս ու անօգնական, «ինչպես այն օրը, երբ առաջին անգամ տղամարդ դարձավ գինվորներին պատասրկող մի կնոջ հետ»: Այս դրվագը բավական է, որպեսզի

հեղինակը խորանա հեռու կյանքի մանրամասների մեջ եւ անցյալի հիշողությունը կապի ներկա իրադարձությանը: Այսպես վեպը ծավալվում է իր մեջ հասունացող պատմություններով, ինչպես գետը՝ ներհուսվտակերով: Որտեղից այդ վախը. ի վերջո, երբ ապագա գեներալին գինվորներ սպասարկող կինը մերկացնում է, ինքն իր հերթին արձակում տաբատի կոճակները, սարսափից մազերը բիզ-բիզ են կանգնում, որովհետեւ վարտիքի մեջ ոչ թե փնտրածն է գտնում, այլ հսկայական ճողվածքը, որ ամբողջ կյանքում ուղեկցում է նրան: Եվ կինն ասում է. «Գնա մայրիկիդ մոտ, թող քեզ ուրիշի հետ փոխի, դու բանի պետք չես, եւ

ահա այդ նույն վաղեմի վախն է պաշարել ու քարացրել նրան Լեոխիսի Նասարեմոյի մերկ մարմնի առաջ» (էջ 159):

Նահապետն ասես մեռնող-հառնող բնության մաս լինի: Նա անընդհատ մեռնում է, բայց կենդանի է. սա շատ խորհրդանշական է, որով Մարկեսն ուզում է ասել, որ իշխանությունը զավթած բռնապետներն անմահ են: Տարբեր ձեւերով տարբեր երկրներում մեկին փոխարինում է մյուսը, փոխվում է անձը, բայց իշխանության լծակները նույնն են: Դա է պատճառը, որ վեպի յուրաքանչյուր դրվագ թեւեւ սկսվում է մահվան տեսարաններով, բայց շատ արագ ամեն ինչ վերածվում է կենսական պատմությունների:

Իր զառամյալ տարիքում, համապատասխան տեղերում առողջական խնդիրներով հանդերձ, նահապետը որձ է, այո՛, հենց այդպես, բառի թե՛ կենսաբանական, թե՛ կենդանական մշակակությամբ: Ուտելուց անգամ այլեւս հաճույք չի զգում, իրեն մատուցած սնունդը լցնում է կոյուղու մեջ, որպեսզի կասկածներ չունենան, բայց երբեք անտարբեր չէ կանանց հանդեպ, մի թեթեւակնարկ, ծայրահեղ դեպքում՝ շոյանքի պես թաթալոշ, եւ կանայք հավի պես պազում էին նրա դիմաց:

Այսքանով հանդերձ՝ անհայտ է նրա արտաքինը. այդ մասին հեղինակը լռում է գուցե այն պատճառաբանությամբ, որ մա տարիքի հետ մեկտեղ անընդհատ կերպարանափոխվում է, եւ որ նրան ոչ ոքի չի տեսել, իսկ ով էլ տեսել է, կամ վաղուց չկա, կամ վախից լռում է:

Շարունակելի

Դավիթ ԳԱՍՊԱՐՅԱՆ
Բանասիրական գիտ. դոկտոր, պրոֆեսոր



Սկիզբը՝ էջ 6

Ներկայացվող նյութից առթված հեռացման ուշագրավ օրինակ է պատմվածքի այն հատվածը, որտեղ գրողը խոսում է «գեղամի մանուկներում» ամբողջ երամների մասին, նրանց բնութագրում որպես «զմայելի խարտեաշներ, երկար թարթիչներով թուխեր...» եւ հանկարծ, իր խոսքի զարգացման տրամաբանությունից անսպասելի հեռանալով, գրում է. «Արդէն իմ դէմքս գուշակեցիք, որ ես մանուկ սիրող մարդ չեմ... Բայց սիրել կը ձեւացնեմ կեղծատրաբար...» (էջ 10): Մի քանի էջ հետո Շահնուրը տալիս է եմիլի կեղծավո-

Շահան Շահնուրի մի ռասմվածփի գրական-գաղափարական մշակումը

րության դրդապատճառները: Երգիծական գծապատկերներով օժտված Էմիլը ցուցադրաբար սեր է ձեւացնում մանուկների նկատմամբ, քանի որ «մանուկն» ունի ընդկնից «աղուոր մայր», «ստնտու կաթնաթոր», որոնք եւ նրան մղում են ոսկեբերան շողոքորթության ու սիրատուջություն: Էմիլը խորամանկում է ըստ կարեւորության եւ օգտակարության, որոնում է աշխատանք, բայց չի ուզում աշխատել, ամեն անգամ լքում է գտնված գործը, քանի որ իր խառնվածքով «հակառակ է աշխատութեան», աշխատանքը «կը ժխտէ» երջանկության իր ընկալումներն ու գաղափարները: Նրա որոնածը «ազատ հորիզոններն» են, որ նրան տալիս են միմիայն «...կնոջ մարմնին մտերմութիւնը, անոր բոլոր... եւ տակաւին՝ յառաջընթաց կիսագունտերն ու յետսապահ կորութիւնները» (էջ 13):

Բայց դառնանք պատմվածքի երկրորդ տարբերակի բուն ասելիքին: Առաջին տարբերակում կառուցված «սինեման» սպիտակ պաստառի վրա ցուցադրում է մանկական սյուժե. բացվում է մեխանիկական սարքի ղռնակը, պատկերվում է պարտեզապատ վիլլա, որտեղ երեխան դաս է պատրաստում: Գողերը մտնում են պարտեզ: Երեխան եւ բակի շուրջը հալածում են գողերին: Վերջիններս փախչում են՝ առեւանգելով տղային: Հեծանվորդ ոստիկանները հետապնդում են գողերին: Այս ամենն ուղեկցվում է հանդիսատես երեխաների կանչերով, ծիծաղով, ծափահարություններով, բացականշություններով:

Շարադրանքի հաջորդ հատվածում Շահնուրը խոսում է իր հոգեկան ծանր վիճակի մասին, գրում, որ կեսգիշերային մթության մեջ թափառում է փողոցից փողոց՝ զգալով հոգնածություն, հուսահատություն, «մանաւանդ անսահման տեն-

չանք՝ չապրելու» (էջ 10): Սա այն վիճակն է, որը բնորոշ է ամեն գաղթափայի եւ պայմանավորում է նրա կացութանը՝ անկախ այն բանից՝ նա մերվել է այդ իրականությանը, թէ ոչ:

Առանձնության այդ վիճակը նրան տանում է Լյուքսեմբուրգի պարտեզ, որտեղ նա մտաբերում է այնտեղ իր ապրած երջանկության հազվագյուտ պահերը, երբ ինքը կարողանում էր երեխաներին զվարճացնել, իսկ հիմա «գարիտրելի խաւարի մէջ» նա ուզում է «բանի մը կառչի», բայց իր կառուցած գործիքից զատ, այլ բան չի գտնում: Հայտնվում են պարտեզի պահապանները եւ պատմում, որ գիշերվա կեսին «սինեմային ժամացոյցը խանգարուէր է», ու զանգակը հնչել է: Եվ քանի որ գիշերվա այդ ժամին հանդիսականներ չկային, իրենք են «շապիկով», «բոկոտն» գնացել եւ դիտել «սինեման»։ «Բայց ըսէք, կ'աղաչեմ», եթէ մենք ատենին չհասնէինք, ղի պիտի մայրէր, ղի, ղի... » (նույն տեղում, էջ 11):

Պատմվածքի ենթատեքստն ուղղված է արվեստի ու գրականության մարդկանց, այլ խոսքով՝ ստեղծագործող մարդկանց առհասարակ, բայց, ինչպես գրում է հեղինակը պատմվածքի բնաբանում, այն վերաբերում է մանավանդ այն «երտասարդ, անհանդարտ ու դիւրաբորբոք գրիչներուն», որոնք արծազանքում են «մանուկի խաւարէն արծակուած ամէն խօսքի»: Ուրեմն Շահնուրի գրության մեջ Լյուքսեմբուրգի պահապանների ցուցաբերած արծազանքը «խանգարուած գործիքին» այլ բան չէ, եթե ոչ «ինքզինքնին ցուցնելու» բոկոտն հրապարակ ելնել, ինքնագոհության ու հավակնոտության արտահայտություն, որն արտահայտվում է «ռիվ պիտի մայրէր, ղի, ղի» բառերով:

Գրականության մեջ անհիմն հայտնված այդ

սնամեջ «ուրուականները», որ լեցուն են «փքուն հպարտութեամբ», ենթակա են հալածման ճիշտ այնպես, ինչպես պատմվածքի շարադրանքում հալածվում են վիլլա մտած գողերը, այսինքն՝ կյանք մտած եւ այդ կյանքը բռնացող ու խեղդող մարդիկ:

Գրական ինչպես նոր, այնպես էլ հին սերնդի այն «գիշերապահ պահակներին» (որոնք արծազանքում են ամեն մի խափանված զանգի) ուղղված շահնուրյան տեսակետը շատ ավելի ծավալուն ու խորացված, ասելիքի ու հասցատերերի առումով ավելի որոշակի շարադրվեց պատմվածքի երկրորդ՝ լրամշակված տարբերակում՝ ըստ ամենայնի նկատի ունենալով շոշափվող հարցի՝ հետագայում եւս ունեցած կարեւորությունը: Խնդրին անդրադառնալու պատճառներից մեկն էլ իր «Մենք» հոդվածի նկատմամբ մախկնում ցուցաբերված բռնադատական վերաբերմունքն էր:

Շահնուրը հաճախ է վերամշակել իր գործերը՝ դրանք ենթարկելով լեզվական ու ոճային եւ անգամ բովանդակային բազում փոփոխություններին ու ճշգրտումներին՝ իր աշխատանքն անվանելով «վերաբնություն», «յոկում»: Օրինակ՝ «Ձոյգ մը կարմիր տետրակները» նա վերանայել է չորս անգամ: «Լիքսեմպուրկի պահապանը», որը հեղինակի իսկ խոստովանությամբ «անանուն հաւկիթ մըն էր», եւս մի քանի մշակումներ է ունեցել: Ահա այդ «անանուն հաւկիթից» է (առաջին տարբերակ), որ դուրս եկավ «անսովոր թռչունը» (երկրորդ տարբերակ):

Շարունակելի

Արծրուն ԱՎԱԳՅԱՆ
Բանասիրական գիտ. դոկտոր, պրոֆեսոր

Դմիտրի Նալբանդյանի ստեղծագործական ժառանգությունը

Սկիզբը՝ էջ 7

Դմիտրի Նալբանդյանը շատ է ճանապարհորդել Հայաստանում: Նա հանդիպում էր բանվորների եւ կոլտնտեսականների հետ, ծանոթանում նաեւ հայ գրողների ու դերասանների հետ: Այս բոլոր հանդիպումներն ու ծանոթությունները հարստացնում են նկարչի ստեղծագործությունները. նրան ոչ միայն մոր թեմաներ են տալիս, այլեւ գեղարվեստական թարմ խնդիրներ են առաջ բերում: Հենց այս շրջանում է արվեստագետը դիմանկարների մի ողջ շարք ստեղծում: Դրանք հայ ժողովրդի լավագույն ներկայացուցիչների դիմանկարներն էին: Ուշագրավ է Ավետիք Իսահակյանի դիմանկարը: Նշենք, որ Նալբանդյանից առաջ հայ մեծ բանաստեղծին նկարել էր Մարտիրոս Սարյանը: Նալբանդյանը մեծ հուզվածքով է կերտում պոետի դիմանկարը. նա կարծես ստեղծագործական մրցակցության մեջ էր մտել Մարտիրոս Սարյանի հետ: Նալբանդյանն Իսահակյանին նկարել է ստեղծագործելու պահին: Բանաստեղծը մի պահ զուլվը վեր է բարձրացնում եւ ընկնում մտորումների մեջ: Նկարի գեղեցկությունը գորշ-արծաթագույն կոլորիտի մեջ է, իսկ վրձնահարվածը խիտ է ու հազեցած: Պոետի դեմքը ոգեշունչ արտահայտություն ունի: Նրա հայացքը լի է իմաստությամբ եւ արթնությամբ: Նալբանդյանը կարեւորել է պոետի գլխի ու մարմնի լուսաստվերային մշակումը: Նա չի ընդգծում ձեւի ցցունությունը, բայց միեւնույն ժամանակ չի դարձնում այն հարթալին: Բանաստեղծի աշխատանքային սեմյակի համեստ ներքնահարդարումը, պատուհանից դուրս եղած արեւապայծառ բնապատկերը, սեղանին դրված գրքերը օգնում են դիտողին զգալ ստեղծագործական մթնոլորտը: Իսահակյանի դիմանկարը ցուցադրվել է Երեւանում 1942 թ. եւ մեծ հաջողություն ունեցել: Ոգեշնչված արվեստագետն այնուհետեւ ստեղծում է դիմանկարների մի ողջ շարք: Նալբանդյանը հայտնի է որպես յուրօրինակ դիմանկարիչ: Նա հետեւում էր ռուսական դիմանկարային արվեստի լավագույն ավանդույթներին, մասնավորապես՝ Ռեպինի ու Սերովի նկարչական մեթոդներին:

Հետպատերազմյան տարիներին Նալբանդյանի ուշադրությունը գրավում է նաեւ հայկական բնապատկերը: Արվեստագետը դիմում է ծանրոթ՝ հայկական մոտիվներին, տարակերպում է վերջիններս: Նա միշտ կարողանում է գտնել հայրենյաց բնության անկրկնելի գեղեցկությունը: Նա հաճախ է պատկերել Արարատյան դաշտը, Սեւանա լիճը, Բյուրականի եւ Աշտարակի շրջակա տարածքները, ինչպես նաեւ հին հայկական ճարտարապետության հուշարձանները: Նալբանդյանի էյուդոլներում մենք տեսնում ենք Երեւանը՝ հին քաղաքը՝ խճճված բավիղներով: Նա նաեւ պատկերել է մորակերտ Երեւանը՝ աշխարհի ամենագեղեցիկ քաղաքներից մեկը: Հետաքրքրական է Նալբանդյանի «Երեւան.



Օպերային թատրոն» (1944 թ.) գործը: Նկարչի ստեղծագործական գործունեությունը հետապնդում էր արթնությամբ: Նալբանդյանը կարեւորել է պոետի գլխի ու մարմնի լուսաստվերային մշակումը: Նա չի ընդգծում ձեւի ցցունությունը, բայց միեւնույն ժամանակ չի դարձնում այն հարթալին: Բանաստեղծի աշխատանքային սեմյակի համեստ ներքնահարդարումը, պատուհանից դուրս եղած արեւապայծառ բնապատկերը, սեղանին դրված գրքերը օգնում են դիտողին զգալ ստեղծագործական մթնոլորտը: Իսահակյանի դիմանկարը ցուցադրվել է Երեւանում 1942 թ. եւ մեծ հաջողություն ունեցել: Ոգեշնչված արվեստագետն այնուհետեւ ստեղծում է դիմանկարների մի ողջ շարք: Նալբանդյանը հայտնի է որպես յուրօրինակ դիմանկարիչ: Նա հետեւում էր ռուսական դիմանկարային արվեստի լավագույն ավանդույթներին, մասնավորապես՝ Ռեպինի ու Սերովի նկարչական մեթոդներին:

Դմիտրի Նալբանդյանն ստեղծել է դիմանկարների մեծ քանակ: Նկարչի կտավներում պատկերված են բանվորներ, գյուղացիներ, զինվորներ, գիտնականներ, մշակույթի ու արվեստի գործիչներ: Նալբանդյանը նաեւ ստեղծել է Կոմկուսի մի շարք հայտնի գործիչների դիմանկարները:

Արվեստագետը շատ է աշխատել որպես բանավարիչ: Նալբանդյանի բնապատկերներում վառ կերպով դրսևորվում է կենսահաստատության սկզբունքը, որն ի դեպ բնորոշ է արվեստագետի ողջ ստեղծագործական գործունեությանը: Նալբանդյանի թե՛ լիրիկական եւ թե՛ էպիկական բնանկարներում արտահայտված են մարդկանց մտքերն ու տրամադրությունները, նրանց սերը հայրենիքի հանդեպ: Նրա վրձնից չեն վրիպել նաեւ Մոսկվայի մերձակայքի անտառներն ու դաշտերը, Ռուսաստանի այլ շրջաններ, Կովկասի լեռներն ու Դրիմը: Նալբանդյանը շատ բնանկարներ է ստեղծել նաեւ արտասահմանյան ուղեւորությունների ընթացքում: Արվեստագետի նկարները կրակոտ են ու գունեղ: Դրանցում դիտողը զգում է, որ նկարիչն անհագուրդ կերպով տեսնում է տեսնել բնության գեղեցկությունը: Նա կարծես մշտապես ձգտում է ծանաչել բնությունը՝ իր բոլոր դրսևորումներով: Արվեստագետը հատկապես սիրում էր ստեղծագործել աշման ամիսներին: Նա պարզապես տարված է իր առաջ դրված ստեղ-

ծագործական խնդրով: Միեւնույն ժամանակ Նալբանդյանը չի անտեսում ստեղծագործության պոետական բովանդակությունը: Նկարիչը կարծես պարտադրում է դիտողներին հիանալ ծաղկող այգիների սպիտակավարդագույն երանգներով, Սեւանա լճի ինքնատիպ հմայքով, ձյունապատ Արարատով եւ Աշտարակի գեղատեսիլ վայրերով:

Նալբանդյանը, հանդես գալով որպես ժանրի վարպետ եւ բնանկարիչ, կարողանում է իր գործերում արտահայտել մարդու եւ շրջապատող իրականության ներդաշնակ միասնությունը («Հովվի առավոտը: Սիրելի երգը», «Մայրական գարուն», «Հայաստան: Կոլտնտեսուհիների պարը», «Վերադարձ լեռներից»): «Հովվի առավոտը» կտավում արվեստագետը պատկերել է, թե ինչպես է ոչխարների հոտը՝ հովիվների ուղեկցությամբ, շարժվում քարքարոտ, արեւակեզ ճանապարհով: Հետին պլանում վեր է խոյանում Արարատը՝ երկնագույն-մանուշակագույն մշուշի մեջ: Գեղանկարիչը կարծես վերցրել է իրական կյանքից մի կտոր եւ պատկերը հագեցրել բանաստեղծական զգացումներով՝ արտահայտելով իր մեծ սերը հայոց հողի հանդեպ:

Հավելենք նաեւ այն, որ Նալբանդյանը ճանապարհորդել ու ստեղծագործել է Բուլղարիայում, Իտալիայում, Ֆրանսիայում, Հնդկաստանում, Իսպանիայում, Հունաստանում եւ Հոլանդիայում: Այս շրջանի գործերի մեջ կան բնանկարներ, ժանրային տեսարաններ եւ դիմանկարներ: Նկարիչը շատ լավ էր զգում յուրաքանչյուր երկրի առանձնահատկությունները: Հնդկաստանին նվիրված գործերի համար նկարիչը 1968 թ.

պարգևատրվել է Զավախարյալ Ներուի անվան մրցանակով:

Դմիտրի Նալբանդյանի պատկերասրահում քիչ չեն նաեւ մատյուրմորտները: Նա սիրում էր նկարել բուրումնավետ ծաղիկների փնջերը, մրգերի փայլուն ու թավշյա մակերեսը, վարդի եւ հասմկի մուրբ թերթիկները, դաշտային ծաղիկների բազմազանությունը, փափուկ գորգերի եւ դեկորատիվ կտորների պերճությունը: Աշխատելով մատյուրմորտի ժանրում՝ Նալբանդյանն ավելի խորապես է ընկալում գունային հարաբերությունների օրենքները, կատարելագործում իր գեղանկարչական վարպետությունը: Նկարչի համար էականը ներքին ճշմարտության արտահայտումն էր, առարկայական աշխարհի արտացոլում՝ իր ողջ բազմազանությամբ: Նալբանդյանի մատյուրմորտները կարծես ապրում են առանձին կյանքով, սակայն դրանցում զգացվում է մարդկային ներկայությունը:

Նալբանդյանը ձգտել է շփվել արվեստասերների մեծ լսարանի հետ: Նրա եռանդն ու աշխատունակությունը չեն նվազել տարիների ընթացքում: Արվեստագետն արժանացել է մի շարք կոչումների ու մրցանակների. ԽՍՀՄ ժողովրդական նկարիչ, Սոցիալիստական աշխատանքի հերոս, ԽՍՀՄ գեղարվեստի ակադեմիայի իսկական անդամ, ԽՍՀՄ պետական մրցանակի երկակի դափնեկիր:

Դմիտրի Նալբանդյանն իր մահկանացուն կնքեց 1993 թ. հուլիսի 2-ին Մոսկվայում:

Տիգրան ՄԱՆՈՒՄՅԱՆ
Բանասիրական գիտ. թեկնածու

ՔՐԻՍՏՈՆՅԱ ՂԱՅԱՍԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան» թերթի խմբագրություն

Գլխավոր խմբագիր՝
Աստղիկ Ստամբուլյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ 517 197
Էլ.փոստ՝ gristhay@etchmiadzin.am
astghikstam@gmail.com

web կայք՝
krishayas.wordpress.com
Ստոր. տպագր. 29.03.2019 թ.

Տպաքանակը՝ 1175